


外科精義序

嘗聞名臣奏疏對策。每
及治道。必取喻于醫。云
保身者內而元神宜固。
外而癰疥宜防。相因之



理也。未有元神虛而癩
疥。有元神虛者。未有癩
疥。得系而元神不至。斷者
此。謂是善喻也。予又以
治是。喻鑿。夫內治修而

外治。亦甫。則夷裔。得而
干之。內治修而外治甫
也。軒轅克蚩尤而奏乘
裳。虞牽征有苗而臻恭
已。是鑿有內外科。亦然。



昔神農嘗學黃帝作經
實開萬世醫學之源嗣
後名醫代化推本二聖
人遺義業其所以未散以
成未學至系御醫齊共

邃于醫而於外科尤精
手詠古人醫說之要
其平日治法之驗者
曰外科精義屬于訂正
因讀之復而恍有得

馬。夫。豎。之。為。義。實。難。矣。
脈。候。雖。有。決。而。者。手。入。
微。方。書。雖。有。傳。而。艱。于。
對。病。茲。集。欲。博。而。約。汰。
粗。為。精。皆。古。名。家。難。著。

辨。脈。論。證。一。以。虛。實。為。
據。系。而。用。之。具。自。的。驗。
種。之。立。辨。察。脈。証。之。虛。實。
實。其。虛。之。其。實。無。待。義。也。
第。時。豎。少。知。其。義。于。凡。

癰疽疔腫諸危證法
不可察虛實局守方藥而
槩以試之于人鮮不為
其以誤則此篇不可不
傳于世文一篇止登上

六二卷其起死回生
帝每扁羊秘書修內攘
外默守經世之神功原
如要終備舉活人之妙
用醫人治國理同子異



起沉疴于原又而卷壽
命之源者豈止是而已
哉蓋君子肥於民物視
天下之卷病疾痛楚疾
瘦癯美痲瘰乃身皆有一

以惕于中而動其不忍
雖髮膚身體苟可以用
吾者且求以濟之而不
無以屬將使斯世其躋
壽域無一不樂生彼澤



者。不可有乎。札瘥。短折
之患。法云。尔为良相。昂
为良醫。是義乎。其功
匪小補也。至于先子。所
患。所謂藥鑿于未病也。

此又齊民要方云外之
深義也。循此義以為治
是則英氣靖而虜韻消。
外攘之績。內修之要。
務耶。君之仁民愛物。自

尚占天壤之朽云
宣授保全明陝西等路
醫局提舉馬雲錦拜題



外科精義目錄

卷之一

- 論瘡腫診候入式法
- 論榮衛色脉參應之法
- 論持手訣消息法
- 論三部所主臟腑病證
- 論脉證名狀二十六種所主病證
- 論三部脉所主證候
- 論三部脉所主雜病法訣

論診候肺疽肺痿法

論將護忌慎法

卷之二

論瘡疽腫虛實法

辨瘡腫淺深法

辨膿法

辨瘡疽癰腫證候法

辨瘡疽善惡法

砭鎌法

貼熨法

湯漬瘡腫法

針烙瘡腫法

灸療瘡腫法

內消法

追蝕瘡疽腫法

托裏法

止痛法

用藥增損法

國家圖書館 NATIONAL CENTRAL LIBRARY, TAIWAN, R.O.C.

療瘡腫權變通類法

論五發疽

論癰疽

論附骨疽

論陰瘡

論時毒

論諸瘡

論丁瘡腫

辨丁腫十三種形色禁忌

論療癰治法

論痔瘻

卷之三

漏蘆湯

化毒丹

內消丸

五利大黃湯

內消升麻湯

五香連翹湯

牡礪大黃湯

和血通氣丸

地黃煎丸

槐角煎丸

皂角煎丸

苦參散

苦參丸

肺風丸

連翹散

竹葉黃芪湯

枳殼丸

五香湯

托裏黃芪湯

托裏茯苓湯

托裏當歸湯

托裏散

托裏玄參散

內托散

內補散

內塞散

香粉散

止痛當歸湯

黃芪茯苓湯

內補防風散

伏梁丸

溫經丸

木香湯腫湯

升麻湯腫湯

湯腫升麻湯

猪蹄湯

甘艸大豆湯

湯腫湯

洗毒湯

浴毒湯

何首烏散

八仙散

東坡十書
良金
五
消毒湯

熨風散

應痛丸

黃芪丸

梔子仁湯

葛根牛蒡子湯

通氣散

白丁香散

金銀花散

皂蛤散

十香膏

犀角膏

乳香膏

白龍膏

消毒膏

磨風膏

天麻膏

善應膏

靈應膏

翠玉膏

追毒散

迴瘡錠子

射膿丸

替鍼丸

治療癰 并馬老鼠瘡

翠霞散

搜膿散

引膿散

乳香散

釣苓散

截疔散

抵聖散

青金錠子

白龍散

桃紅散

檳榔散

國家圖書館 NATIONAL CENTRAL LIBRARY, TAIWAN, R.O.C.

金黃散

生肌散

水澄膏

拔毒散

金露散

消毒散

卷之四

大檳榔散

天麻散

決効散

水銀膏

平肌散

神黃散

博金散

金傷散

完肌散

定血散

碧霞錠子

國家圖書館 NATIONAL CENTRAL LIBRARY, TAIWAN, R.O.C.

漏蘆湯

玉粉散

香礬散

紫金散

通耳丹

萹蒲錠子

寸金錠子

薰痔散

通靈丸

三神丸

玉芝飲子

平和飲子

玄參丸

犀角散

防風散

烏金散

劉守真瘡論

沒藥膏

必效散

烏金散

抵聖丸

應效散

白金散

如聖散

天蛾散

必效散

蛤粉散

治小兒丹瘤

治小兒疳口瘡

治破傷風 并洗頭風藥

烏龍丸

紫參丸

萬靈丸

治眼

治吹妳

治痔瘡



洗痔

寸金丹

牙疳藥

迴瘡蟾酥錠子

乳香托裏散

四聖旋丁散

天丁散

萬應膏

治小兒面湮瘡

治赤白口瘡

治乾濕疥癬

治湯火燒燙瘡

治破傷風


治破傷

治風狗咬破傷風

論炮製諸藥及單方主療瘡腫法

目錄終

國家圖書館 NATIONAL CENTRAL LIBRARY, TAIWAN, R.O.C.



國家圖書館, NATIONAL CENTRAL LIBRARY, TAIWAN, R.O.C.

--	--	--	--	--	--

東坡一書
目錄

外科精義卷之一

醫學博士選充御藥院太醫齊德之纂
宣授保全郎陝西醫局提舉馬雲卿按

○論瘡腫診候入式法

夫醫者人之司命也。脉者醫之大業也。蓋醫家苟不明脉則如冥行索途動致顛覆矣。夫大方脉婦人小兒風科必先診脉後對證處藥獨瘡科之流多有不診其脉候專攻治外或有證候疑難別召方脉診察於瘡科之輩甘當淺陋之名噫其小哉如是原夫瘡

腫之生皆由陰陽不和血氣凝滯若不診候何以知陰陽勇怯血氣聚散耶由是觀之則須信療瘡腫于診候之道不可闕也。歷觀古今治療瘡腫方書甚多其間診候之法略而未詳比夫諸科甚有減裂愚雖不才輒取黃帝素問難經靈樞甲乙及叔和仲景扁鵲華陀千金外臺聖惠總錄古今各醫諸家方論之中診候瘡腫之說簡編類次貫成篇帙首載診候入式之法次論血氣色脉參應之源後明脉之名狀所主證候及瘡腫逆從之方庶使爲瘡腫科者覽此則

判然可曉了無凝滯於胸次一朝臨疾診候至此則察逆從決成敗若黑白之易分耳

○論榮衛色脉參應之法

夫天地之道曰陰與陽陰陽在人曰血與氣蓋血者榮也氣者衛也榮者榮於中衛者衛於外所以榮行脉中衛行脉外脉者血氣之先也血非脉則焉能榮於中氣非脉則焉能衛於外二者相資而行內則通於五臟六腑十二經絡外則濡於九竅四肢百節萬毛晝夜循行如環無端以成其度會於寸口變見於

脈故曰氣血者人之神也。脈者氣血之神也。所以治病之始。五決爲紀。蓋五決者五臟之色。脈也。脈應於內。色應於外。其色之與脈。當相參應。故曰能合色脈。可以萬全也。凡爲醫。先須調明色脈。况爲瘡科。若於此不精。雖聰惠辨博。亦不足委也。

○論持手訣消息法

夫診候之脈法。常以平旦爲紀。陰氣未散。陽氣未動。飲食未進。氣血未亂。經脈未隆。絡脈調勻。故乃可診。有疾之脈。若遇倉卒。病患不拘。此論內經所謂持脈。

有道以虛靜爲保。但可澄神靜慮。調息凝心。視精明。察五色。聽音聲。問所苦。方始按寸尺。別浮沉。以此參照。決死生之分矣。復觀患人。身形長短。肥瘦老少。男女性情。緩急。例各不同。故曰形氣相得者生。三五不調者病。譜如室女。尼冠。脈當濡而弱。嬰兒孺子之脈。細而疾。三四歲者。呼吸之間。脈當七八至。爲平。比夫常人。特不同耳。大抵男子先診左手。女子先診右手。男子左脈大則順。女子右脈大則順。大凡診脈。先以中指揣按掌後高骨。骨下爲關。得其關位。然後齊下。

兩左右二指若臂長人疎排其指若臂短人密排其指三指停穩先診上指曰寸口浮按消息之中按消息之重按消息之上竟消息之下竟消息之推而外之消息之推而內之消息之然後先關後尺消息之一類此若診得三部之中浮沉滑澀遲疾不調何病所主外觀形色內察脈候參詳處治以忠告之不可輕言談笑亂說是非左右瞻望舉止忽略此醫之庸下也

○論三部所主臟腑病證

夫診候之道醫者之難精也若非燈下苦辛勤於記誦參師訪友晝夜不遑造次顛沛寤寐俯仰存心於此安能知神聖之妙哉古人曰按其脈知其疾命曰神以悟其探臆索隱之妙也又曰切其脈治其病謂之巧以明其指別之功也蓋三指相去毫釐之近主病若千里之遠觀夫指別之功世人固以為難命曰神豈容易可至哉常考於經脈有三部寸關尺也從魚際至高骨却行一寸曰寸從寸上一分曰魚際從寸至尺曰尺澤寸後尺前為關關前為陽即寸口也

關後爲陰，卽尺脈也。陽出陰入，以關爲界。寸主上焦，頭手皮毛，關主中焦腹及腰，尺主下焦小腹及足。此三部所主大略也。又有左右兩手三部爲之六脈也。又有人迎氣口神門所主，又各不同。蓋左手關前曰人迎，右手關前曰氣口，兩關之後一分，卽曰神門。故脈法讚曰：肝心出左，肺脾出右，腎爲命門，俱出尺部。魂魄穀神皆見寸口。所謂左手關前心之部也。其經手少陰與手太陽爲表裏，小腸合爲府。左手關上，引之部也。其經足厥陰與足少陽爲表裏，膽合爲府。左

手關後，腎之部也。其經足少陰與足太陽爲表裏，膀胱合爲府。右手關前，肺之部也。其經手太陰與手陽明爲表裏，大腸合爲府。右手關上，脾之部也。其經足太陰與足陽明爲表裏，胃合爲府。右手關後，命門之部也。其經手厥陰與手少陽爲表裏，三焦合爲府。此謂六部所主臟腑十二經之義也。又脈要精微論曰：尺內兩旁，則委脇也。尺外以候腎，尺裏以候腹。中附上，左外以候肝，內以候膈。右外以候胃，內以候脾。上附上，右外以候肺，內以候胸中。左外以候心，內以候

東垣十書 卷一
理
實中前以候前後以候後上竟上者胸喉中事也下
竟下者小腹腰股膝脛足中事也粗大者陰不足陽
有餘爲熱中也來疾去徐上實下虛爲厥顛疾來徐
去疾上虛下實爲惡風也故中風者陽氣受也有脉
俱沉細數者少陰厥也沉細數散者寒熱也浮而散
者爲恂仆諸浮不躁者皆在陽爲熱其有躁者在乎
陽諸細而沉者皆在陰則爲骨痛其有靜者在足數
動一代者病在陽之脉也洩及便膿血諸過者切之
濇者陽氣有餘也滑者陰氣有餘也陽氣有餘爲身

熱無汗陰氣有餘爲多汗身寒陰陽有餘則無汗身
寒推而外之內而不外者有心腹積也推而內之外
而不內者身有熱也推而上之上而不下者腰足清
也推而下之下而不上者頭項痛也按之至骨脉氣
少者腰脊痛而身有痺也已上諸疾若非指明心了
身可得而妙也又平人氣象論曰一呼脉再動一吸
脉亦再動呼吸定息脉行五動爲以大息不大不小
不長不短不滑不澀不浮不沉不遲不數命曰平人
平人者不病也蓋平人之常氣稟乎胃胃氣者平人

之常氣也。所以人常稟氣於胃，故脈以胃氣爲本也。正理論曰：穀入於胃，脈道乃行，命靈樞經云：胃爲水穀之海也。又曰：脈應四時，曰平信，夫四時之脈皆以胃氣爲本。謂春弦、夏洪、秋毛、冬石，春之胃脈微，弦曰平，餘皆倣此。逆四時則病矣。若診婦人之脈，妊身則慎勿亂投湯散。其婦人之脈診得少陰脈動甚，則有子也。又曰：陰搏陽動，則有子也。又曰：身汗而無脈者，卽有妊也。蓋重身者，問其月事，觀其體貌，然後主治，不可忽也。又經曰：察色按脈，先別陰陽。蓋陰陽者，天地

之道也。是以治病者，必求其本。本於陰陽，寒暑四時，五臟之根也。以脈言之，則浮沉也。以部言之，則尺寸也。故經云：脈者，陰陽之法。以應五臟，是謂呼出心與肺，吸入腎與肝，呼吸之間，脾受穀味，其脈在中也。以浮沉論之，則曰浮者陽也，沉者陰也。應在臟腑，則浮而大散者，心也；浮而短濇者，肺也。所以心肺俱浮也。牢而長者，肝也；按之而大舉指來實者，腎也。所以肝腎俱沉也。遲緩而長者，脾也。脾爲中州，所以脈在中也。仲景曰：大浮數動滑，皆陽也；沉濇弱弦微，皆陰也。

陽者熱也。陰者寒也。所以寒則脈來沉而遲。熱則脈來浮而數。故曰諸數爲熱。諸遲爲寒。無如此驗也。脈經曰。諸浮爲風。諸緊爲痛。諸伏爲聚。諸弦爲飲。芤者失血。長則氣治。短則氣病。濇則煩心。大則病進。浮爲在表。沉爲在裏。遲爲在臟。數爲在腑。又形壯脈細。少氣不足以息者。危形。瘦脈大。胸中氣多者。斃形。氣相得者。生。三五不調者。病。三部九候皆相失者。死。此先聖診脈之大法也。故曰凡治病則察其形氣色澤。治之無候其時也。所以形氣相得者。生。色澤以浮者。病

易已。脈從四時者可治。脈弱似滑者。是有胃氣。此皆易治也。若形氣相失。或色夭不澤。及脈逆四時。或脈實益堅。皆不可治。經所謂必察四難。而明告之。又若病熱。脈靜泄。而脈大脫血。脈實汗後。脈躁。此皆難治也。若瘡疽之人。膿血大泄。脈滑數者。難治也。凡瘦膿多。或如清泔。脈滑大散。寒熱發渴者。治之無功也。若患肺瘡者。咳嗽膿血。脈見洪滑。治之難痊矣。大凡診脈。見浮數。應當發熱。而反惡寒。雖頭項拘急。四肢煩痛。或復戰慄。渴甚者。但有痛處。欲發瘡腫也。

論脉證名狀二十六種所主病證

夫脉之大體二十六種此診脉之紀綱也細而論之毫釐少差舉治必遠總而言之逆從虛實陰陽而已兩者議之以要其中謹於諸家脉法中撮其機要翦去繁蕪載其精義

○浮脉之診浮於指下按之不足舉之有餘再再尋之狀如太過瞥瞥然見於皮毛間其主表證或為風或為虛浮而大散者心也浮而短濇者肺也浮而數者熱也浮數之脉應發熱其不發熱而反惡

寒者瘡疽之謂也

○洪脉之診似浮而大按舉之則泛泛然滿三部其狀如水之洪流波之湧起其主血實積熱瘡腫論曰脉洪大者瘡疽之病進也如瘡疽結膿未成者宜下之膿潰之後脉見洪大則難治若自利者不可救治也

○滑脉之診實大相兼往來流利如珠按之則累累然滑也其主或為熱或為虛此陽脉也瘡疽之病膿未潰者宜內消也膿潰之後宜托裏也所謂始

爲熱而爲虛也

○數脈之診按之則呼吸之間動及六至其狀似滑而數也若浮而數則表熱也沉而數則裏熱也又曰諸數爲熱仲景曰脈數不時見則生惡瘡也又曰肺脈俱數則生瘡也診諸瘡洪數者裏欲有膿結也

○散脈之診似浮而散按之則散而欲去舉之則大而無力其主氣實而血虛有表無裏瘡腫膿潰之後而煩痛尚未痊愈者診其脈洪滑粗散難治也

以其正氣虛而邪氣實也又曰肢體沉重肺脈大則斃謂浮散者也

○芤脈之診似浮而軟按之中央空兩邊實其主血虛或爲失血瘡腫之病診得芤脈膿潰後易治以其脈病相應也

○長脈之診按之則洪大而長出於本位其主陽氣有餘也傷寒得之欲汗出自解也長而緩者胃脈也百病皆愈謂之長則氣治也

○牢脈之診按之則實大而弦且沉且浮而有牢堅

之意若瘰癧結腫診得牢脉者不可內消也

○實脉之診按舉有力而類結曰實經曰邪氣勝則實久病則虛人得此最忌瘡疽之人得此宜急下之以其邪氣與臟腑俱實故也

○弦脉之診按之則緊而弦其似緊者爲弦如按弦而不移緊如切繩而轉動以此爲異春脉浮弦而平不時見則爲飲爲痛主寒主虛瘡疽論曰弦洪相搏外緊內熱欲發瘡疽也

○緊脉之診似弦而緊按之如切繩而轉動其主切

痛積癖也瘡腫得之氣血沉瀯也亦主痛也

○濡脉之診按之則散而復來舉之則細而不足脉瀯則氣瀯也亦主血虛瘡腫潰後得之無妨也

○短脉之診按舉則不及本位內經曰短則氣病以其無胃氣也諸病脉短皆難治也瘡腫脉短真氣短也

○細脉之診按之則縈縈如蜘蛛之絲而欲絕舉之如無而似有細而微其主亡陽衰也瘡腫之病脉來細而沉時直者裏虛而欲變證也

○微脉之診按之則軟小而極微其主虛也真氣復者生邪氣勝者危瘡腫之病潰後脉微而勻舉自差也

○遲脉之診按舉來遲呼吸定息方得三至其狀似緩而稍遲痲疾得之則善新疾得之則正氣虛憊瘡腫得之潰後自痊

○緩脉之診按舉似遲而稍駛於遲仲景曰陽脉浮大而濇陰脉浮大而濇陰陽同等謂之緩脉見長緩百疾自瘳凡諸瘡腫潰後其脉濇遲緩者皆易

愈以其脉候相應是有胃氣也

○沉脉之診舉之不足按之方見如爛綿其主邪氣在臟也水氣得之則逆此陰脉也瘡腫得之邪氣深也

○伏脉之診比沉而伏舉之則無按之至骨方得與沉相類而邪氣益深矣

○虛脉之診按之不足遲大而軟輕舉指下豁然而空經曰脉虛則血虛血虛生寒陽氣不足也瘡腫脉虛宜托裏和氣養血也

○軟脉之診按之則如帛在水中極軟而沉細亦謂之濡其主胃氣弱瘡腫得之補虛排膿托裏
○弱脉之診似軟而極微來遲而似有仲景曰微弱之脉綿綿如瀉漆之絕其主血氣俱虛形精不足大抵瘡家沉遲濡弱皆宜托裏

○促脉之診按之則去數來時一止而復來仲景曰陽盛則促主熱畜於裏也下之則和瘡腫脉促亦急下之

○結脉之診按之則往來遲緩時一止而復來仲景

曰陰盛則結經曰促結則生代則死
代脉之診按之則往來動則中止不能自還因而復動者曰代脉也代者氣衰也諸病見之不祥大凡瘡腫之病脉促結者難治而况見代脉乎

○動脉之診見於關上無頭尾如豆大厥厥然而動搖者是也脉經曰陰陽相搏故謂之動動於陽則陽氣虛而發厥動於陰則陰氣虛而發熱是陽生於尺而動於寸陰生於寸而動於尺不可不辨也
○論三部脉所主證候

○夫寸關尺者脉之位也浮沉滑濇者脉之體也奠位分體指支語證者診脉之要道也脉經曰大凡診候兩手三部脉滑而遲不浮不沉不長不短去來齊等者無病也

○寸口脉浮者傷風也緊者傷寒也弦者傷食也浮而緩者中風也浮而數者頭痛也浮而緊者膈上寒脇下冷飲也沉而緊者心下寒而積痛沉而弱者虛損也緩而遲者虛寒也微弱者血氣俱虛也弦者頭痛心下有水也雙弦者兩脇下痛也偏絕

者不遂也俱絕者不治也漉漉如羹上肥者陽氣微也連連如蜘蛛絲者陽氣衰也

○關主中焦胸腹中事去來徐而緩者無病也浮者腹滿而不欲食胃虛脹也滑者客熱在胃也數者熱結中焦也沉伏者中焦水氣或嘔逆而吞酸也弱者胃氣虛也雖有虛熱不可大攻須防熱去則生寒也牢而實者腹滿嚮嚮噎塞而不通或復大痛澀者氣逆也芤則瀉血濇堅太實按之不減而有力者中焦實有結伏在胃也微浮者積熱不消

蠅動心悸也

尺主下焦腰腎膝脛足中事也尺脉浮者風熱小便難也沉者腰背痛而腎氣不足數者臍下熱痛小便赤色而惡寒也遲者下焦寒而陰虛也緊者臍下小腹急痛也緩者脚弱下腫而痿痺也弱者下冷而腎氣衰也軟者脚不收而風痺小便難也伏者小腹痛而疝瘕穀不化也細者澹泄而下冷也芤者小便澀血而下虛也牢而小者足膝寒痺脚下隱隱疼痛也細而急者筋攣不能行也來而

斷絕者男子小腹有滯氣也婦人月水不利也

○論三部脉所主雜病法訣

夫三部之中俱見一脉所主雜病略而言之脉經曰陽邪來見浮洪陰邪來見微細水穀之邪來見實堅寒癖之邪來見弦小又曰浮而滑者宿食也短而滑者酒病也遲而滑者脹滿也洪而大者傷寒也浮而數者傷風也浮而急者飲食不消脾不磨也沉而弦者寒氣結而陰痛也浮而緩者皮膚不仁也滑而散者癱瘓也遲而澹者寒瘕也浮而澹者霍亂也弱而

東垣十書 卷一
瀉者反胃也緊而滑者吐逆也短而數者心痛也弦而數者為瘧也緊而急者尸遁也實小而堅者病在內而冷也浮滑而緊者病在外而熱也短而急者病在上也長而緩者病在下也長而弦者病在肝也滑而洪者病在心也微而軟者病在脾也浮而瀉者病在肺也沉而緊者病在腎也又訣曰諸浮為風或為虛也諸緊為痛或為積也諸瀉為痺諸弦為飲諸數為熱諸遲為寒扎則為失血軟則為虛若脈沉沉澤澤四肢不仁者亡祟也或大而懶懶者社祟也若脈

來乍大乍小乍短乍長者鬼祟也

○論診候肺疽肺痿法

夫肺者五臟之華蓋也處于胸中主于氣候于皮毛勞傷血氣腠理虛而風邪乘之內感于肺也則汗出惡風咳嗽短氣鼻塞項強胸膈脹滿久久不瘥已成肺痿也風中於衛呼氣不入熱至於榮則吸而不出所以風傷皮毛熱傷血脈風熱相搏氣血稽留蘊結於肺變成瘡疽診其脈候寸口脈數而虛者肺痿也數而實者肺疽也肺痿之候久嗽不已汗出過度者

亡津液便如爛瓜下如豕脂小便數而不渴渴者自
愈欲飲者欲痰此由肺多唾涎沫而無膿者肺痿也
其肺瘡之候口乾喘滿咽燥而渴甚則四肢微腫咳
唾膿血或腥臭濁味胸中隱隱微痛者肺疽也又聖
惠曰中府隱隱而微痛者肺疽也上肉微起者肺瘡
也中府者穴也在雲門下一寸六分乳肋間動脈應
手陷中也是以候始萌則可救膿成則多死若欲知
有膿者但診其脉若微緊而數者未有膿也緊甚而
數者已有膿也又內經曰血熱則肉敗榮衛不行必

將爲膿大凡肺瘡當咳嗽短氣胸滿時唾膿血久久
如粳米粥者難治若嘔膿而不止者亦不可治也其
嘔膿而自止者自愈其脉短而濇者自痊浮大者難
治其面色當白而反面赤者此火之尅金皆不可治

○論將護忌慎法

大凡有瘡疽生皆只如黍粟粒許大其狀至微人多
不以爲急此蘊大患宜速辨之不可自忽若能防之
於未形理之於未成或朝覺而夕治求治於良醫則
必無危困矣若因循慢忽詢於庸醫致令膿血結聚

委之於命。束手待斃。不以去道遠乎。以致筋骨敗遺。穿通臟腑。死者十有八九矣。可不慎歟。蓋患瘡疽之人。托命庸醫。任意措置。危殆立至。若用良醫。則可保痊。愈用醫之際。不可不擇。辨之何難。若能飽讀經書。久諳證候。湯藥熟閑。洞明色脈。性情仁善。孝義忠信。臨事不惑。處治有決。方爲良醫。委用勿疑。然後要在病人自克。不可恚怒悲憂。叫呼忿恨。驕恣情性。信任口腹。馳騁勞役。惟宜清靜恬澹。耐煩爲宜。於患人左右。止息煩雜。切忌打觸器物。諸惡音聲。爭辨是非。况

罵鬪毆及產婦姪男。體氣不潔。帶酒腥羶。鷄犬乳兒。率畜禽獸。並須遠離。設或親友重意問疾者。可以預囑。徐行低聲。欵曲伺候。禮畢躬退。勿令嗟呀驚怪。話舊引其遊賞宴樂。遠別親戚。牽惹情懷。但恐病人。心緒淒愴。尤不可亂舉方藥。徒論虛實。惑亂患人。凝滯不決。祇合方便省問。不可久坐。多言勞倦病人。深不長便。夫侍患者。宜須壽近。中年情性沉厚。勤謹耐煩。仁慈智慧。全在調以粥藥。無失時節。勿令於患人左右。彈指嗟咨。掩淚竊言。感激病人。甚不利。便飲食之。


東坡十書
間忌慎非細不可不載。畜中勿食驢馬駝驘猪狗牛
羖羊等并雜魚龜鱉蝦蟳及淹泡臭陳自死病倒之
類慎勿嘗啖飛禽之中忌食鵝鴨鴻鷹雀鶴鴛鴦鷺
鷺鳩鴿鴉鷄雉及能學人言者慎勿食之野獸之中
忌食獐鹿狐兔虎豹熊豺及爪牙害人有毒蟲獸并
父母自本命生屬忌慎勿嘗啖菜蔬之中忌食黃瓜
茄子蘭香芸薹胡荽生菜蓼芥茵瓠韭蒜葱薤慎勿
食之果木之中忌食桃杏棗栗李奈梨梅櫻棗红柿
櫻桃胡桃榛松林檎及諸虫蚋未熟之果慎勿食之

若其瘡疽膿潰腫消氣血虛弱則可食羊肉鵝鶩蔓
菁薑醬瓜薺蘿蔔及黃白糧米細米稀粥軟飲若至
肌肉漸生思想滋味則宜食白熟酥餅糞粥羹湯熟
軟溫和稀稠得中製造如法勿令大飽此時猶忌饅
頭蒸餅餠飩餛飩肉角煎餅及炙煨燠焯煎炒鹹酸
油膩脂肥魚肉若至肌膚欲平惡肉去盡瘡口收斂
之際尚忌起立行步揖待賓客房酒宴會嗔怒沐浴
登陟臺榭運動肢體寒暑勞倦正宜調節飲食保攝
以待瘡癥平復精神如故氣力完全方無所忌百日

東坡詩集卷之九
內慎勿觸犯之

外科精義卷之一
終

國家圖書館, NATIONAL CENTRAL LIBRARY, TAIWAN, R.O.C.



外科精義卷之二

醫學博士選充御藥院太醫齊德之纂
宜授保全郎陝西醫局提舉馬雲卿授

○論瘡疽腫虛實法

夫瘡疽膿潰腫毒浸展。證候危惡者。須辨虛實。況夫
虛者難補。實者易瀉。補瀉之法。不可輕用。若或少差。
利害甚大。然而虛實證多端。不可不辨。有瘡之虛實。
有臟腑氣血。上下真邪。各有虛實。故不同也。分而言
之。則腫起堅硬膿稠者。瘡疽之實也。腫下軟慢膿稀

者瘡疽之虛也。瀉痢腸鳴飲食不入嘔吐無時手足
竝冷脉弱皮寒小便自利或小便時難大便滑利聲
音不出精神不爽者悉臟腑之虛也大便硬小便澀
飲食如故腸滿膨脹胸膈痞悶肢節疼痛口苦咽乾
煩躁多渴身熱脉大精神昏塞者悉臟腑之實也凡
諸瘡疽膿水清稀瘡口不合聚腫不赤肌寒肉冷自
汗色脫者氣血之虛也腫起色赤寒熱疼痛皮膚壯
熱膿水稠粘頭目昏重者氣血之實也頭疼鼻塞目
赤心驚咽喉不利口舌生瘡煩渴飲冷睡語咬牙者

上實也精滑不滯大便自利腰脚沉重睡卧而不寧
者下虛也肩項不便四肢沉重目視不正睛不了了
食不知味音嘶色敗四肢浮腫者真氣之虛也腫焮
尤甚痛不可近積日不潰寒熱往來大便秘澀小便
如淋心神煩悶恍惚不寧者邪氣之實也又曰真氣
奪則虛邪氣勝則實又曰諸痛爲實痒爲虛也又曰
診其脉洪大而數者實也微細而軟者虛也虛則補
之和其氣托裏也實則瀉之疎利而自導其氣內經
謂血實則決之氣虛則掣引之

○辨瘡腫淺深法

夫瘡候多端欲辨淺深直須得法若不素知方論而妄生穿鑿者如大匠捨其繩墨以意度量安能中於規矩哉嘗聞古人有言曰多則惑少則得簡而論之則瘡疽槩舉有三種高而軟者發于血脉腫下而堅者發于筋骨皮肉色不相辨者發于骨髓又曰凡瘡瘡疽以手按搥瘡腫根牢而大者深也根小而浮者淺也又驗其人初生瘡之時便覺壯熱惡寒拘急頭痛精神不寧煩躁飲冷者其患瘡疽必深也若人雖

患瘡疽起居平和飲食如故其疾浮淺也惡瘡初生其頭如米粟微似有痛痒誤觸破之即煇展覺有深意速服犀角湯及漏蘆湯通氣丸等取通利疎暢兼用浴毒湯濕漬之類若浮淺者紙貼膏求差以此推之淺深之辨始終之次者也

○辨膿法

夫瘡腫之疾毒氣已結者不可論內消之法即當辨膿生熟淺深不可妄開視其可否不至于危殆矣凡瘡疽腫大按之乃痛者膿深也小按之便痛者膿淺

也。按之不甚痛者，未成膿也。若按之即復者，有膿也。不復者，無膿也。非膿必是水也。若發腫都軟而不痛者，血瘤也。發腫日漸增長而不大熱時時牽痛者，氣痛也。氣結微腫久而不消，後亦成膿。此是寒熱所爲也。留積經久，極陰生陽，寒化爲熱，以此潰必多成瘻。宜早服，內塞散以排之。諸癰瘤疔贅等，至年衰皆自內潰。理于年壯可無後憂也。又凡癰疽以手掩其上，大熱者膿成自軟也。若其上薄皮剝起者，膿淺也。其腫不甚熱者，膿未成也。若患癰疽結核，寒熱發渴

經久不消者，其人面色痿黃，被熱上蒸，已成膿也。至於臟腑腸胃內瘡，內疽其疾隱而不見，目既不見，手不能近，所爲至難。可以診其脈而辨之，亦可知矣。有患胃脘癰者，當候胃脈，人迎者胃脈也。其脈沉細者，氣逆則甚，甚則熱聚胃口而不行，胃脘而爲癰也。若其脈洪數者，膿已成也。設脈遲緊，雖膿未就，已有瘀血也。宜急治之，不爾則邪毒內攻，腐爛腸胃，不可救也。又肺癰論曰：始萌則可救，膿成即死，不可不慎也。久久咳膿如粳米粥者，不治。嘔膿而止者，自愈也。又

東垣十書 卷二 四
腸癰論曰或透臍生瘡膿從瘡出者有出臍中者惟
大使下膿血者自愈也

○辨瘡疽癰腫證候法

夫瘡疽癰腫其名甚多載之紛紜方書百緒及至臨
疾治之無據不知所以內經曰知其要者一言而終
不知其要者流散無窮愚雖不才姑揣其要而言之
熱發於皮膚之間是以浮腫根小至大不過二三寸
者癰也六腑積熱騰出於外肌肉之間其發暴甚腫
皮光軟侵展廣大者癰也五臟風積熱攻熈于肌骨

風毒猛暴初生一頭如瘡癰白焦枯觸之應心者疽
也夫癰發於六腑若燎原之火外潰膚肉疽生五臟
沉澀難療若陶室之燧內消骨髓癰則易療惟難將
息而遲瘡疽則難療易得痊復夫癰與瘡初生宜
灸之謂其氣本浮達以導其熱令速暢也疽則烙不
宜灸謂其氣本深沉須達其原也凡瘡疽生於外皆
由熱毒蘊於內明乎三者腫毒丹癰可以類推矣蓋
皮膚微高起而肌厚或痛或痒移走無常者謂之腫
有因風而得之者有因風熱相搏而得之者腫硬色

白因熱而得之者腫焮色赤因風熱相搏而得之者
久久而不消熱勝於風若不卽治血不流通與氣乘
之以成膿也又曰風多則痒熱多則痛此爲驗也又
有丹毒者謂人身忽然變赤如塗丹之狀故謂之丹
毒世俗有云赤癩或因有瘡誤而相觸四畔焮赤謂
之瘡癩凡丹瘤之疾皆遊走不定狀如雲氣者是也
小兒得之最忌百日之內謂之胎癩以其氣血嫩弱
臟腑柔脆難任鎌針所以忌也又頸腋之間而生紅
核初如豆粒或如梅李核累累相連歷歷三五枚久

久不消以漸長大或發寒熱者謂之癰癤有風毒者
得於風熱毒者得之於熱氣毒者得之於氣悉由風
熱邪氣蘊經所成證候不同治之者亦各異矣

○辨瘡疽善惡法

夫瘡疽證候善惡逆從不可不辨從來醫瘡槩舉五
善七惡殊不知此特謂腸胃之內臟腑瘡疽所論之
證也發背腦疽別有善惡之證載之於後蓋七惡者
煩躁時嗽腹痛渴甚或泄痢無度或小便如淋者一
惡也膿血既洩腫焮尤甚膿色敗臭痛不可近二惡

也。目視不正。黑睛紫小。白睛青赤。瞳子上看。三惡也。喘。短氣恍惚嗜臥。四惡也。肩背不便。四肢沉重。五惡也。不能下食。服藥而嘔。食不知味。六惡也。聲嘶色敗。唇鼻青赤。面自四肢浮腫者。七惡也。動息自寧。飲食知味。一善也。便利調勻。二善也。膿潰腫消。水鮮不臭。三善也。神彩精明。語聲清亮。四善也。體氣平和。五善也。病有證合。七惡。皮急緊。而如善者。病有證合。五善。而皮緩虛。如惡者。夫如是者。豈淺識之所知哉。只知五善併至。則善無以加矣。七惡併至。見惡之極矣。

愚意裁之。凡患瘡疽之時。五善之中。乍見一二善證。瘡亦回也。七惡之內。忽見一二惡證。宜深懼之。大抵證候瘡疽之發。虛中見惡證者。不可救也。實證無惡候者。自愈。大凡膿潰之後。而煩疼尚未痊者。診其脉洪滑。籠散者。難療。微瀄遲緩者。易痊。此善惡之證。於診候之中。亦可知也。發背。腦疽。及諸惡瘡。別有五逆之證者。白睛青黑。而眼小。服藥而嘔。傷痛渴甚。膊項中不便。音嘶色敗者。是為五逆。其餘熱渴痢嘔。蓋毒氣入裏。臟腑之傷也。當隨證以治之。

○砭鎌法

夫上古制砭石大小者隨病所宜也。內經謂針石砭石鑱針其實一也。今時用鎌者從聖濟總錄丹毒論曰法用鎌割出血明不可緩也。合扁鵲云病在血脉者治之以砭石。此舉素問血實宜決之又氣血形志論曰形樂志樂病生于內治之砭石蓋砭石者亦東方來爲其東方之民其病多瘡瘍其法宜砭石。砭石之用自有證候非止丹瘤也。但見腫起色赤遊走不定宜急鎌之。先以生油塗赤上以鎌鎌之要在決洩

其毒然此法不可輕用忌其太深內經所謂刺皮無傷肉以其九鍼之用而各有所宜也。砭鎌之法雖治瘡疽不可輕用也。

○貼燻法

夫瘡腫之生於外者由熱毒之氣蘊結于內也。蓋腫於外有生頭者有漫腫者有皮厚者有皮薄者有毒氣深者有毒氣淺者有宜用溫藥貼燻者有宜用涼藥貼燻者有可以乾換其藥者有可以濕換其藥者深淺不同用藥亦異是以不可不辨也。若瘡腫初生

似有頭者，卽當貼溫熱藥，引出其熱毒，火就燥之義也。於四畔赤焮處，搗生寒藥貼熯之，折伏其熱勢，驅逐其邪惡，撲火之義也。夫生寒藥，勢氣力精全，性味雄健，或有療者，不本物理，皆通用藥艸膏之類，有勢力微，欲使疔瘡者，敵其勇夫，不亦難乎？又有傭工，不審逆從，便用寒藥敷貼，趁逐邪毒，復入于內，歸于肝心，十死八九矣。大抵敷貼之法，欲消散腫毒，血脉踈通，寒熱逆從，斷其去就焉。慎不可執方，無權安能散于鬱結，不成膿乎？其腫皮厚者，以故輒布，或以紙花

子塗藥貼熯之，待其藥乾，換腫皮薄者，卽用踈紗或薄紙塗藥貼熯之，其藥未乾，卽當換之。若至膿潰之後，卽貼溫肌生肉膏藥，要在逐臭腐，排惡汁，取死肌，生良肉，全藉溫熱膏劑之力也。切勿用寒涼之藥水調貼之。夫血脉喜溫而惡寒，若著冷氣過，理卽血滯難瘥矣。

○ 湯漬瘡腫法

夫湯漬瘡腫之法，宜通行表發散邪氣，使瘡內消也。蓋湯水有蕩滌之功，古人有論瘡腫初生，經一二日

不退卽須用湯水淋射之其在四肢者湯漬之其在腰腹背者淋射之其在下部委曲者浴漬之此謂疎道腠理通調血脉使無疑滯也且如藥二兩用水二升爲則煎取一升半以淨帛或新綿蘸藥水稍熱濕其患處漸漸喜湯淋浴之稍涼則急令再換慎勿冷用夫血氣得寒則凝澀得熱則淖澤日用五七次病甚者日夜不任或十數次腫消痛止爲驗此治瘡腫神良之法也

○針烙瘡腫法

夫瘡疽之疾證候不一針烙之法實非小端蓋有淺有深有遲有疾宜與不宜不可不辨蓋疽腫皮厚口小腫多膿水出不快者宜用針烙癰皮薄惟用針以決其膿血不可烙也如其未成膿已前不可以諸藥貼爛湯漬救療以待自消久久不消內潰成膿卽當棄藥從其針烙當用次針如似火筋磨令頭尖如棗核樣圓滑用燈焰燒須更作炬數搵油燒令赤于瘡頭近下烙之一烙不透卽須再烙令透要在膿水易出不假按抑近代良醫倉卒之際但以金銀鐵錐其

東垣一書 卷二 十一
樣如鍼者可通用之。實在泄其毒也。或只以木炭熱火猛燒通赤。蘸油烙之。尤妙。烙後實者。捫髮爲紙。虛者以紙爲紙。于紙上蘸藥。紙之上以帛攤。溫熱軟粘。膏藥貼之。常令滋潤。勿令燥也。夫瘡疽既作。毒熱聚攻。蝕其膏膜。肌肉腐爛。若不鍼烙。毒氣無從而解。膿淤無從而泄。過時不烙。反攻其內。內既消敗。欲望其生。豈可得乎。嗟乎此疾。針烙取差。實爲當理。然忌太早。亦忌稍遲。嘗見僮工不審其證。淺深妄施。針烙之法。或瘡深針淺。烙毒氣不得泄。以致內潰。或瘡淺烙

深。誤傷良肉。筋骨腐爛。或抑擦掀動。加益煩痛。或針之不當。別處作頭。或卽時無膿。經久方潰。遂使痛中加痛。真氣轉傷。詳其所由。不遇良醫也。以此推之。凡用醫者。不可不擇。縱常醫療之得痊者。幸矣。

○灸療瘡腫法

夫疽則宜灸。不宜烙。癰則宜烙。不宜灸。丹瘤腫毒。宜湯漬之。腫皮光軟。則鍼開之。以洩其毒。治瘡之手法。迨不過此。而各有所宜。故聖惠方論曰。認是瘡疽。便宜灸之。一二百壯。如菉豆許。大灸後。覺似焮痛。經

宿乃是火氣下徹，腫內熱氣被火導之，隨火而出，所以然也。若其瘡痒，宜隔艾餅子灸之，其餅須以椒姜鹽蔥相和，搗爛，捏作餅子，厚薄如折三錢，以來當瘡頭，或餅子上灸之。若覺太熱，卽擡起，又安其上。餅子若乾，更換新者尤佳。若其瘡痛，卽須急灸，壯數多爲妙。若其膿已成者，慎不可灸，卽使針開之，卽得瘡也。若諸瘡經久不瘥，變成癭者，宜用硫黃灸法灸之。其法：硫黃一塊，可瘡口大小安之，別取少許硫黃于火上燒，用釵尖挑起，點硫黃令著，三五遍取濃水乾差。

爲皮若其發背初生，卽宜上餅灸法灸之。初覺背上，有瘡疼痒，頗異，認是發背，卽取淨土水和，捻作餅子，徑一寸，厚二分，貼著瘡上，以艾作炷灸之。一炷一易餅子，其瘡粟米大時，可灸七七炷。其瘡如錢許，大日夜不往灸，以瘡爲度。已上數法，並依本方。一一親驗，所以載之。愚謂瘡醫自幼至老，凡所經驗，必須寫之，嘗記疔瘻惡瘡，諸醫不驗者，取蟻螬剪去，兩頭安瘡口上，以艾灸之，七炷一易，不過七枚，無不效者。又法用乞火婆虫灸之，同前法，累驗之神效，人皆秘之，往

往父子不傳又法赤皮蒜搗爛焊作餅子一如豆豉餅子灸法灸之彌佳

○內消法

夫瘡疽丹腫之生皆由陰陽不調榮衛凝滯氣血不流之所生也古人有言曰陽滯於陰則生瘡陰滯於陽則生疽瘡疽之生有內有外內生于臟腑胸腹之中外則生于膚肉筋骨之表發無定處夫鬱滯之本則因氣血不流蒸氣不能外達留滯而成內熱瘡疽所生焉若初覺氣血鬱滯皮肉結聚腫而未潰特可

疎滯風熱通利臟腑一二行徐次諸湯湯清即得內消矣不然則治之稍慢毒熱不散反攻其內致令膿血之聚也內經謂治病必求于本蓋瘡疽本乎中熱之鬱結不通也其風邪寒氣所聚也治之宜溫熱之劑和血令內消也辨之有法須認風寒則腫硬色白熱毒則焮腫色赤以爲異也如其氣已結聚不可論內消之法宜用排膿托裏之藥此者先後之次也

○追蝕瘡疽腫法

夫瘡瘍生于外皆由積熱蘊于內內經謂血熱肉敗

榮衛不行，必將爲膿，留于節，必將爲敗。蓋瘡疽膿潰爛之時，頭小未破，瘡口未開，或毒氣不出，疼痛難任者，所以立追蝕膿之方法，使毒氣外泄而不內攻。惡肉易去，好肉易生也。若其瘡紐，其血出不止者，則未可紐于瘡上。糝追蝕之藥，待其熱可紐方紐。若其瘡紐之痛應心根者，亦不可以強紐之。誤觸其瘡，其焮痛必倍，變證不無，不可不慎也。若瘡癰膿成未破，于一薄皮剝起者，卽當用破頭代鍼之劑，安其上，以膏貼之。膿出之後，用搜膿化毒之藥取効，如神矣。若

膿血未盡，使用生肌斂瘡之劑，務其早愈，殊不知惡肉未盡，其瘡早合，後必再發，不可不慎也。

○托裏法

夫瘡疽丹腫結核癰癤，初覺有之，卽用內消之法。經久不除，氣血漸衰，肌寒肉冷，膿汁清稀，毒氣不出，瘡口不合成，聚腫不赤，結核無膿，外證不明者，並宜托裏。膿未成者，使膿早成；膿已潰者，使新肉早生。血氣虛者，托裏補之；陰陽不和，托裏調之。大抵托裏之法，使瘡無變壞之證。凡爲瘡醫，不可一日無托裏之藥。

東垣十書 卷二
然而寒熱溫涼煩渴利嘔臨證宜審其緩急耳

○止痛法

夫瘡疽之證候不同寒熱虛實皆能爲痛止痛之法殊非一端世人皆謂乳沒珍貴之藥可任疼痛殊不知臨病制宜自有方法蓋熱毒之痛者以寒涼之劑折其熱則痛自止也寒邪之痛以溫熱之藥慰其寒則痛自除矣因風而有痛者除其風因濕而痛者導其濕燥而痛者潤之寒而痛者通之虛而痛者補之實而痛者瀉之因膿鬱而閉者開之惡肉侵潰者引

之陰陽不和者調之經絡祕澀者利之臨機應變方爲上醫不可執方而無權也

○用藥增損法

古人用藥因病制宜治不執方隨病增損療積聚補益可用丸藥以從舊不改方增損蓋瘡疽危要之際證候多種安有執方之論固可臨時加減以從其法只如發背腦疽惡丁腫膿潰前後虛而頭痛者於托裏藥內加五味子恍惚不寧加入參茯苓虛而發熱者加地黃瓜萸根往來寒熱者并潮熱者加柴胡地

骨皮渴不止者加知母赤小豆大便不通者加大黃
芒硝小使不通者加木通燈艸虛煩者加枸杞子天
門冬自利者加厚朴四肢厥逆者加附子生姜嘔逆
者加丁香藿香多痰者加半夏并陳皮膿多者加當
歸川芎痛甚者加芍藥乳香肌肉遲生者加白欬官
桂有風邪者加獨活防風心驚怯者加丹砂口目瞤
動者加羌活細辛愚雖不才自幼及老凡治瘡疽常
依此法加減用藥取効如神後之學者宜細詳焉

○療瘡腫權變通類法

夫瘡疽之病治療多方總而論之各有所宜補瀉淋
溺及敷掃貼燻鍼鏹灸烙用之不同蓋知其道也舉
治必効昧於理者利害不無嘗見以寒療熱以熱療
寒古今之通論也又有檢方療病妄製加減以意裁
之自以爲可殊不知病有逆從治有緩惡法有正權
方有奇偶用有輕重夫醫者意也得其意然後能變
通也達其變通者悟其道而省其理也則左右逢其
源矣愚雖不才略陳萬一嘗見治寒以熱而寒彌甚
治熱以寒而熱彌熾者何也蓋不知五臟有陰陽之

性。其可因其類而取之也。假如心實生熱者當益其
腎。腎水滋熱將自除。腎水虛生寒當補心。心火既降
寒將自除此所謂寒之而熱者取之陰熱之而寒者
取之陽也。又寒因熱用熱因寒用要在通其理類而
已。又聞微者逆之甚者從之何謂也。蓋治寒以熱必
涼而行之治熱以寒必溫而行之此亦欲其調和也。
其間有正有權者何也。蓋病有微有甚微者逆治理
之正也。甚者從治理之權也。然為瘡科於補瀉汗下
標本逆從正權之理曷可闕而不知也。大凡治療瘡

疽之要法曰。初覺熱毒發熱鬱結而作瘡疽一二日
宜先服五利湯蕩滌邪氣疎通臟腑令內消也。古今
湯法謂切剉咬咀如麻豆大以猛火恐煎無令過熟
欲其速利也。次有丸散宜導血脈漸次消磨令緩散
也。助以淋瀝調和榮衛行經絡也。更當膏潤溫養兼
磨傳四畔貼熾之藥順其陰陽也。追蝕托裏汗下調
補臨時製宜淺深緩急自有等差男女貴賤亦當別
論。晉尚書楮澄曰。寡婦尼僧異於妻妾雖無房室之
勞而有憂思之苦。此深達其情者也。又仲景云。物性

剛柔餐居亦異治亦不同也。所以黃帝與四方之間岐伯舉四治之能况病之新舊形志樂苦豈可執方無權以求其愈疾哉。亦有瘡疽腫痛初生一二日便覺脈沉細而煩悶臑弱而皮寒邪毒猛暴恍惚不寧外證深沉者亦宜卽當用托裡散或增損茯苓湯及溫熱之劑以從治之。

論五發疽

夫五發者謂癰疽生于胸背眉鬚是也。大槩論之分爲三等。一者疽也。二者癰也。三者癤也。夫疽初生

如黍米大痒痛有異誤觸破之卽焮展四畔赤腫沉悶牽引脇肋疼痛數日之後漸覺肌膚壯熱惡寒煩渴腫暈侵展膿漿汁出積日不潰抑之則流血者謂之發背疽也。其發於腦者爲腦疽也。其發於鬚眉者以類呼也。又有初生其狀無頭腫潤三四寸始覺注悶疼痛因循數日皮光微輒者甚則亦令人發熱惡寒頭痛煩渴者謂之發背癰也。又有初生一頭色浮赤而無根腫見于皮膚之間大小一二寸者癤也。三者之候惟疽最重此疾初生皆曰滋味與厚衣衣

東垣十書 卷二
服厚暖則表易招寒。滋味過多則五臟生熱。臍積熱則血脈不流。而毒氣凝滯。邪氣伏留。熱搏於血。血聚則肉潰。成瘡淺則成癰。實則爲癰。深則爲疽矣。亦有因服金石發動而患此疾者。亦有平生不服金石藥而亦患此疾者。蓋由上祖曾服餌者。其毒氣流傳子孫。此病初生。認是疽則宜速療之。若氣實之人。急服五香連翹湯。漏蘆湯。若年幾未五十。少壯實者。可服五利大黃湯。化毒丸。取通利臟腑。一二行瘡頭。上用追毒散之類。貼溫熱膏劑。更濕腫湯潰毒湯淋湯。

之知此調治以待膿成已前。不可以諸藥救療。以安患人之心。慎勿惱觸者。至膿成敗潰宜服五香湯。及內托裏散。茯苓湯。當歸托裏散之類。渴不止者。服竹葉黃芪湯。乳香散。勿爲太熱服。大黃砂硝苦寒之藥。若因服利藥而利不止者。死矣。若瘡中惡肉未退。膿水不快者。卽用追蝕之藥。或錠子紙之上。用鹿角散。以醋熬爲糊。貼之。惡肉退去。好肉漸生。卽用搜膿散。翠霞散之類。紐之。若瘡中毒氣未盡。慎勿早斂。忌早上生肌之藥。縱得平復。必再發。其間調理次第。臨時

制宜將護忌慎之法耳

○論癰疽

夫瘡腫之患莫大乎癰疽然而癰疽何以別之經所謂榮衛稽留于經脈之中則澀不行血脈不行則陽氣鬱遏而不通故生大熱熱毒之氣騰出于外蓄結爲癰久而不散熱氣乘之腐化爲膿然而骨髓不焦枯腑臟不傷敗可治而愈也何爲疽五臟風毒積熱毒熱熾甚下陷肌膚骨髓皆枯血氣涸竭其腫色夭堅如牛領之皮故命曰疽癰者其腫皮薄以澤此其

候也癰疽之生有內有外內生胸腹臟腑之中外生皮膚筋骨之表凡此二毒發無定處而有常名夫鬱滯之本始於喜怒憂樂不時飲食居處不節或金石草藥之發動寒暑燥濕之不調使陰陽之不平而蘊結外使榮衛凝澀而腐潰輕者起於六腑浮連而爲癰氣行經絡而浮也重者發於五臟沉澀而爲疽氣行經絡而沉也明乎二者腫毒丹疹可以類推矣

○論附骨疽

夫附骨疽者以其毒氣深沉附著于骨也此疾與賊

風相類而不同人不能辨治之悞矣蓋附骨疽者由秋夏露臥爲冷折之風熱伏結附骨成疽賊風之候由風邪之氣搏於骨節故其痛深徹骨髓遇寒則痛甚附骨疽痛而不能轉初按之應骨皮肉微惡洪洪如肥狀者是也其賊風皮膚不甚熱而索索惡寒時復汗出當欲熱熨痛處卽得少寬其附骨疽初時但痛無時乍寒乍熱而無汗者經久不消極陰生陽寒化爲熱而潰也賊風不治久而變爲彎曲偏枯所以不同也認是賊風則服引越脾治風之劑卽得差矣

認是附骨疽急宜服漏蘆湯或五香連翹散疎下之次用內消升麻湯及湯潰膏貼之類縱不能消亦得浮淺及有緩疽石疽與附骨疽亦相類矣異者蓋緩疽石疽皆寒氣所作深伏于骨髓之間有腫與皮肉相似若疼而堅硬如石故謂之石疽緩疽其熱緩慢積日不潰久乃亦紫黯色皮肉俱爛故名曰緩疽此二者其治初覺便宜補虛托裏溫熱之劑以取消矣其次調治臨疾制宜故不復具載矣

論陰瘡

夫陰瘡者。大槩有三等。一者濕陰瘡。二者如精瘡。三者陰蝕瘡。又曰。下疳瘡。蓋濕瘡者。由腎經虛弱。風濕相搏。邪氣乘之。瘙痒成瘡。浸淫汗出。狀如疥癬者。是也。如精者。由壯年精氣盈滿。久曠房室。陰上生瘡。赤腫作白。妨悶痒痛者。是也。陰蝕瘡者。由腎臟虛邪熱結下焦。經絡痞澀。氣血不行。或房勞洗浴不潔。以致生瘡。隱忍不醫。焮腫尤甚。袖瘡在裏。措手無方。疼痛注悶。或小便如淋。陰丸腫痛。是也。或經十數日。潰爛血膿。肌肉侵蝕。或血出不止。以成下疳。若身體壯熱。

煩渴惡寒。宜急治之。以大豆甘草湯漬之。漬毒湯等。洗浴之。服五香連翹湯。漏蘆湯等。疎之。更以截疳抵聖散乾糝之。四畔用磨風膏溫潤之。後以將護忌慎之。渴不止者。服竹葉黃芪湯。大便艱者。宜服托裏茯苓。調治之。夫如是。則無不差矣。

○論時毒

夫時毒者。爲四時邪毒之氣。而感之於人也。其候發於鼻。面耳項咽喉赤腫。無頭。或結核有根。令人增寒發熱。頭痛肢體痛甚者。恍惚不寧。咽喉閉塞。人不識。

者將為傷寒便服解藥一二日腫氣增益方悟始召
瘡醫原夫此疾古無方論世俗通為丹瘤病家惡言
時毒切恐傳染考之于經曰人身忽經變赤狀如塗
丹謂之丹毒此風熱惡毒所為謂之丹瘤與夫時毒
特不同耳蓋時毒者感四時不正之氣初發狀如傷
寒五七日之間乃能殺人治之宜精辨之先診其脈
滑數浮洪沉緊弦濇皆其候也蓋浮數者邪氣在表
也沉濇者邪氣深也認是時毒氣實之人急服化毒
丹以攻之熱實以不利大黃湯下之其有表證者解

毒升麻湯以發之或年高氣軟者立香連翹湯主之
又於鼻內嚙通氣散取十餘嚙作効若嚙藥不嚙者
不可治之如嚙出膿血者治之必愈如左右看病之
人日日用嚙藥嚙之必不傳染切須忌之其病人每
日用嚏藥三五次以泄熱毒此治時毒之良法也經
三四日不解者不可大下倘宜和解之服犀角散連
翹散之類至七八日大小便通利頭面腫起高赤者
可服托裏散黃芪散宜針鎌砭割出血泄其毒氣十
日外不治自愈也此病若五日已前精神昏亂咽喉

閉塞語聲不出頭面不腫食不知味者必死之候治之無功矣然而此疾有陰有陽有可汗有可下嘗見箴工但云熱毒只有寒藥殊不知病有微甚治有逆從不可不審矣

論諸瘡

夫諸瘡之生其類甚多種大小方書載之紛紛以要而論槩舉四等一者因於氣血稽留而結於內者謂腸胃之中癰疽是也二者因於氣血稽留而結於外者謂十疔九癩五痔之類是也三者不因氣血而為

瘡謂墮仆并金刃湯火炙烙而傷皮肉之類是也四者不因氣血而骨肉損傷者謂虫獸爪牙所害之類是也然而四等皆不難損於肌膚害於筋骨不必具載今於隨方條下該說治證以法附之為治之者臨疾制宜適事為故耳

論丁瘡腫

夫丁瘡者以其瘡形如下蓋之狀者是也古方論之凡有十種華元化載之五色丁千金方說丁瘡有十三種以至外臺祕要神巧萬全其論頗同然皆不離

於氣客於經絡五臟內蘊毒熱初生一頭四腫痛青黃赤黑無復定色便令煩躁悶亂或增寒頭痛或嘔吐心逆以針刺瘡不痛無血是其候也其候本因甘肥過度不慎房酒以致邪毒畜結遂生丁瘡內經口膏梁之變足生大丁此之謂也其治之法急於艾炷灸之若不覺痛者針丁四邊皆令血出以迴瘡銳子從針孔紐之上用膏藥貼之仍服五香連翹湯漏蘆湯等疎下之爲効若或針之不痛無血者以猛火燒鐵針通赤於瘡上烙之令如焦炭取痛爲効亦紐前

銳子用膏藥貼之經二三日膿潰根出服托裏湯散依常療之以取平服如針不痛其人眼黑或見火光者不可治也此邪毒之氣入臟腑故也養生方云人汗入食肉食之則生丁瘡不可不慎也

辨丁腫十三種形色禁忌

凡瘰癧腫皆刺瘡心至痛處又刺四邊十餘下令血出去血傅藥藥力得入針孔中則佳若不達裏藥力不到又看口中頰邊舌上有赤黑如珠子者是也瘡上按之砭痛應心者是秋冬寒毒久結皮膚中變作

此瘡不惡療之。日夜根長，流入諸脉，數道如箭入身，頓掉不已。若不慎，口味房室，死不旋踵。經五六日，不差，眼中見火光，心神昏昧，口乾心煩，嘔吐不定，宜速治之。

○一曰麻子丁，其狀肉起，頭如黍米，色稍黑，四邊微赤，多痒，忌食麻子油，衣布衣，并入麻田中行。

○二曰石丁，其狀皮肉相連，色如黑豆，甚硬刺之，不入肉微痛，忌瓦礫搏石之屬。

○三曰雄丁，其狀炮頭黑，靨四畔仰，炮漿起，有水出。

色黃大如錢孔，形高者，忌房室。

○四曰雌丁，其狀瘡稍黃，向裏靨，亦似炙瘡，四面炮漿起，心凹，色赤如錢孔者，忌房室。

○五曰火丁，其狀如湯火燒灼，瘡頭黑靨，四邊有烟漿，又如赤粟米者，忌火燒烙。

○六曰爛丁，其狀色稍黑，有白斑，瘡中潰，有膿水流，出瘡形大小如匙，面者，忌沸熱食爛物。

○七曰三十六丁，其狀頭黑浮起，形如黑豆，四畔起赤色，今日生一，明日生二，及至十，若滿二十六，藥

所不能治未滿三十六可治忌嗔怒畜積愁恨

○八日蛇眼丁其狀瘡頭黑皮浮生形如小豆狀似蛇眼大體硬忌惡眼人看并嫉妬人見忌毒藥

○九日鹽膚丁其狀大如匙面四邊皆赤有黑粟粒起食鹽大忌

○十日水洗丁其狀大如錢形如錢孔瘡頭白裏黑厲汁出中硬忌飲漿水水洗渡河

○十一日刀鎌丁其狀潤狹如薤葉大長一寸左側肉黑如燒烙忌刺及刀鎌切割鐵刃所傷可以藥

治不可亂攻

○十二日浮瀝丁其狀瘡體曲圓少許不合長而狹如薤葉大內黃外黑黑處刺之不痛黃處刺之痛

○十三日牛拘丁其狀肉色炮起指不破
右十三種丁瘡初起瘡心先痒後痛先寒後熱熱定則寒多四肢沉重心驚眼花若大重者則嘔逆嘔逆者難治其麻子丁一種始末惟痒初錄忌者不得觸犯觸犯者發作難治療其浮瀝丁牛拘丁兩種無所禁忌縱不療亦不能殺人其狀寒熱與諸丁不同皆

東垣書 卷二
宜將護依法治療禁忌勿得觸犯若或觸犯者強瘡痛極甚不可忍者是也又云丁腫初發時突起如丁蓋故謂之丁令人惡心惡寒四肢強痛一二日瘡變為焦黑色腫大光起根硬刺之不覺痛皆其候也在手足頭面胸背骨節間最急其餘處則可毒入腹則煩悶恍惚似醉如此者三二日死矣皆不可不速治也

○論療癰治法

夫療癰之病其各甚多巢氏病源載之三十一種千

金聖惠所論療癰九漏總論說有風毒熱毒氣毒之異療癰結核寒熱之殊其本皆由恚怒氣逆憂思過甚風熱邪氣內搏於肝蓋怒傷肝肝主筋故令筋畜結而腫其候多生於頸腋之間結聚成核初如豆粒後若梅李核累累相連大小無定初覺增寒壯熱咽項強痛腫結不消者當便服五香連翹湯或牡礪大黃湯疎下三兩行於上貼十香膏烏犀膏及用淋瀝腫湯潰毒湯時復淋瀝如此救療即得消散若未消散可服內消丸或皂角丸之類漸以求差若腫結深

硬荏苒月日不能內消者久必成膿若腫高而稍軟其人面色痿黃皮膚壯熱上蒸膿已成也可以針決核中令其潰散則易愈也治法如瘡口中用追毒蝕肉銕子維之於上用烏犀十香膏等貼之及托裏之劑和之經久不差或愈而復發或別處自穴膿水透出流津不止肌體羸瘦者變成九瘻內經曰陷脉爲瘻留連內腠卽此病也可用蒜餅子炙之然後瘡口上用紫金散翠霞散等於上維貼膏藥求差其將護忌慎治療用法無造次焉

○論痔瘻

夫痔瘻之候其各有五一曰牝痔二曰牡痔三曰氣痔四曰血痔五曰酒痔又曰腸風痔脉痔雌雄痔皆五痔之別名也其狀初生悉在肛邊或如鼠乳或結小核痒痛注悶甚者身熱惡寒諸方論之皆由房酒過度久嗜甘肥不慎醉飽以合陰陽勞擾血脉腸癖滲漏衝注下部肛邊生瘡變爲痔疾治法始覺痔作便服通氣丸槐角丸熱實者服諸利湯疎利臟腑及浴洗薰熨以取內消切忌酒麪辛熱房室肥膩稍縱

東坡詩集卷之八
嗜欲腐潰膿血或返流淫汁歲月已深旁穿_十窠_六穴_二卽
變痔漏卽須用寸金錠子三五次痊愈若能味無味
之味五味足矣事無事之事百事備矣其次服餌調
節謹慎合宜未有不差者也

外科精義卷之二 終

外科精義卷之三

醫學博士選充御藥院太醫齊德之纂

宜授保全郎陝西醫局提舉馬雲卿按

漏蘆湯


治一切惡瘡毒腫丹瘤癰癤疔腫魚睛五發癩疽
初覺一二日便如傷寒頭痛煩渴拘急惡寒肢體
疼痛四肢沉重恍惚悶亂坐臥不寧皮膚壯熱大
便秘瀉小便赤黃並宜服之姓身莫服

漏蘆

白斂

黃芩

去黑心



麻黃 去節

枳實 麩炒 去穰

升麻

芍藥

甘艸 炙

砂硝 已上各等 一兩

大黃 二兩

右除硝外餘以咀與硝同和勻每服三錢氣實人五錢水一盞半文武火煎七沸去粗空心熱服化毒丹

治百種惡瘡毒腫初覺一二日咳逆煩悶或咽喉閉塞發熱惡寒

沒藥

乳香

已上各五錢另研

艸烏頭

醋浸 炮製

浮石

已上各一兩燒赤醋洗七次研餘醋另放

巴豆

四十九粒去皮生用另研

右五味為細末用浮石烏頭餘醋打麵糊為丸如豌豆大每服五七丸食後冷酒送下忌熱飲取快利三二行或吐出惡為効

內消丸

治瘡腫初生及癰癰結核熱毒鬱滯服之內消矣大効

青皮

陳皮

已上各一兩

牽牛

八兩取頭末二兩

薄荷葉

極細揉汁去粗用熬成膏

皂角

已上各八兩不利者去粗皮搥碎二味水一盞煮令

右將青皮陳皮末并牽牛末和勻用煎膏子和丸如菉豆大每服三十丸食後荆芥茶清溫水皆可下

五利大黃湯

治人年四十已前氣血盛多若患瘡疽大小便秘者

大黃 根

黃芩 去腐

升麻 已上各二兩

芒硝

梔子 已上各一兩二錢

右咬咀每服五錢水一盞半煎五七沸去粗空心稍熱服

內消升麻湯

治證同前

大黃

升麻

當歸

黃芩 去腐

枳實 炒去穢

芍藥 已上各二兩五錢

甘艸 炙一兩五錢

右咬咀每服五錢水一盞半煎至七分去粗食前

稍熱服。

五香連翹湯 如不用五香日七味連翹湯

治證同前。

沉香 藿香葉 木香

丁香 已上各 麝香 一字五味為

連翹 射干 獨活

升麻 甘艸 炙 寄生艸 已上各

大黃 一兩五錢

右七味咬咀與前五味和勻每服五錢水一盞半。

煎至一盞去粗溫服取利為効未利則再服食前

牡礪大黃湯

治證同前。

牡礪 木香 大黃 煨已上 各等分

右咬咀每服五錢水一盞半煎至七分春夏露渴一宿於鷄鳴時空心服之冬月於暖處放一宿婦人重身者勿服此藥決利三兩行便勿服已上五方對證選用。

和血通氣丸

治證同前。

人參 一兩

麥門冬 去心 二兩

大黃

黃芩 去腐

黃蘗 已上各 四兩

牽牛 一斤炒香取 頭末四兩

右六味爲細末，鍊蜜爲丸，如豌豆大，每服二三十丸，食後溫水送下。尋常積熱之人，隔二三日服此藥，微利潤動，永不生瘡腫。如已早覺者，服之亦得內消矣。

地黃煎丸

治臟腑有熱，胸膈痰實，血氣不和，經絡祕滯，多生

瘡腫，已患惡瘡，毒腫大小便結滯。

生地黃 新者十兩洗

黃連 五兩

黃芩 去腐 三兩

枳殼 炒去 穰

大黃 已上各二 兩五錢

人參 二兩

右除地黃煎外，並爲細末，再和地黃煎，和搗入鍊蜜丸，如豌豆大，每服五七十丸，食後溫水下。素有熱之人，日服百餘丸，不發瘡瘍。年高氣弱之人，亦宜常服，清利胸膈，明目。

槐角煎丸

東垣十書

卷三

五

治瘡瘍瘰癧疥癬赤腫等瘡

天麻

川芎

甘艸炙

黃藥子

甘菊花

人參已上各一兩

何首烏

苦參已上各一兩五錢

荆芥穗

防風已上各二兩

槐角并仁另放

皂角

不神者已上各四兩水一斗煮軟搽洗去粗取仁熬成膏子其皂角取肉研入膏子為用

右除皂角膏外槐仁與諸藥為細末入膏內溲和

鍊蜜為丸如豌豆大每服五十九食後竹葉湯下

皂角煎丸

治風毒瘰癧

皂角

不神者三十錠內十錠炮黑十錠酥炙十錠用水一斗煮軟搽洗用度

何首烏

玄參

薄荷葉已上各四兩

右為細末與前膏子同鍊蜜為丸如豌豆大每服

三四十丸食後溫水送下

苦參散出野夫多効方

治遍身瘡疥經年不較

苦參

蔓荆子

何首烏

荆芥穗

歲靈仙已上各等分

右為細末每服二錢食前酒調下日進三服忌發風物

苦參丸

治證同前

山梔子仁

苦參

防風

玄參

獨活

枳實

甘菊花

黃連

黃芩

大黃已上各等分

右為細末煉蜜為丸如豌豆大每服五十九茶酒

任下食後服

肺風丸今體治世方

治面鼻風瘡及皴皵

細辛

旋覆花

羌活已上各一兩

晚蠶蛾去翅足

苦參已上各二兩

右為細末軟飯和丸如梧桐子大每服五十九茶

酒任下不拘時

連翹散

治瘡瘍癰腫一切惡瘡疼痛煩渴大便溇泄虛熱

不寧

連翹

山梔子

甘艸

防風

已上各等分

右為粗末每服三錢水一盞煎至七分去粗溫服不拘時候

竹葉黃芪湯

出總錄一百三十一

治諸癰疽發背煩渴及一切惡瘡發大渴者

淡竹葉 一兩

黃芪

當歸

川芎

甘艸

黃芩 去心

芍藥

人參

麥門冬

去心

半夏

湯洗

石膏

已上各三兩

生地黃

八兩

右為粗末每服五錢水一盞半竹葉五片生姜五片煎至一盞去粗溫服

枳殼丸

出總錄

治瘡疽熱癰腫瘰癧

枳殼

麩炒去穢

牽牛

炒取頭末

木香

青皮

已上各一兩

甘艸

大黃

右為細末用皂角長一尺許者三錠約三兩炮燻

搥碎以好酒煮軟。採取汁熬膏稠粘。和煎藥末為丸。如梧桐子大。每服三五十九。食後葱茶下。日進二服。

五香湯 出總錄

治諸瘡毒氣入腹托裏

丁香

木香

沉香

乳香 已上各一兩

麝香 三錢 唾者去麝香加藿香 渴加

人參 已上各一兩

右為細末。每服三錢水一盞煎至六分去粗空心

稍熱服總錄聖惠千金外臺治諸瘡腫方中皆載此方大同小異大抵專治毒氣入腹煩悶氣不通者其餘熱渴昏昧口燥咽乾大便硬小便澀者未可與服

托裏黃芪湯 出總錄

治諸瘡潰後膿多內虛

茯苓 去皮

人參

官桂 去白

遠志 去心

麥門冬 去心

五味子 炮

黃芪

當歸 已上各等分

右為粗末，每服五錢水一盞半，煎至一盞，去粗，溫服，食前。

托裏茯苓湯

防風

桔梗

芍藥

五味子

川芎

甘艸

麥門冬

去心

桂 去皮

熟地黃

已上各二兩

當歸

黃芪

茯苓

已上各一兩五錢

右為末，每服五錢水一盞半，煎至一盞，去粗，溫服。

托裏當歸湯

太醫瘡科何君玉方

當歸

黃芪

人參

熟地黃

川芎

芍藥

甘艸 多

柴胡 已上各等分

右為粗末，每服五錢水一盞，煎至六分，去粗，食前溫服。

托裏散

出太醫瘡科成子玉方

川烏頭 炮

茯苓

已上各三兩

乾姜 炮

麻黃 去節

甘艸

已上各一兩五錢

杏仁

炒去皮尖

五味子

桂心

已上各一兩

右為粗末。每服五六錢。水一盞半。煎至一盞。去粗。食前溫服。

托裏玄參散 出總錄

主托裏止渴解熱煩渴。

玄參

人參

甘艸

甘菊花

已上各等分

右為細末。每服二錢。菹豆湯調下。亦名內托散。

內托散

洪氏方有芍藥。總錄無芍藥。亦名生肉芩藜散。

治癰疽潰後。內虛者。或氣弱人。初覺生瘡。瘍亦可。

服內消宜詳細用之。

當歸

芩藜

黃芪

厚朴 去皮

桔梗

防風

甘艸 炒

官桂 去皮

人參

白芷

芍藥 已上各一兩

右為細末。每服三錢。溫酒調下。或木香湯亦可。

內補散 聖惠六十一。總錄一百三十八。無川芎。

黃芪

麥門冬 去心

川芎

當歸

茯苓 去皮

人參

五味子 已上各一兩 遠志 去心

甘草 炙

桂心 已上各五錢

右咬咀每服五錢水一盞半。生姜三片棗三枚煎

八分溫服無時。

內塞散 總惠一百二十三。萬全方中去附子用天雄。

治疔瘻不差諸瘡

附子 二個 炮 官桂 去皮

赤小豆

甘草 炙

黃芪

當歸

茯苓

防風

白芷

桔梗

川芎

人參

遠志 去心

厚朴 已上各一兩

右為末每服二錢溫酒調下空心日進二服

香粉散

主托裏止痛解煩渴退虛熱

真菘豆粉 三兩 南乳香 一兩

右為細末每服三錢新水調下

止痛當歸湯 出總錄一百三十一

治腦疽發背穿潰疼痛

當歸

黃芪

人參

官桂

芍藥

甘艸

生地黄 已上各一兩

右為粗末每服五錢水一盞半煎至一盞去粗溫服日進三服

黃芪茯苓湯 出總錄一百二十七

治諸瘡潰後托裏除虛熱

黃芪

白茯苓

官桂 去皮

麥門冬

五味子

川芎 已上各一兩

右為粗末每服五錢生姜三片棗一枚水一盞半煎至一盞去粗溫服食前日進三服

內補防風散

附子 二箇炮裂去皮臍 防風

茯苓

白芷

桔梗

川芎

當歸

人參

甘艸

遠志

官桂 去皮

黃芪 已上各一兩

厚朴 二兩生薑汁製

赤小豆 半斤酒浸一宿

右為細末每服三錢溫酒調下

伏梁丸

出養生必用方

治環臍腫痛腸胃瘡疽

厚朴

生姜汁製

茯苓

白朮

荆三稜炮

枳殼

麩炒

半夏

湯洗七次

人參一兩

右為細末，麩糊為丸，如小豆大，每服二十九，食前

米飲湯下

溫經丸 出前方

治陷脉癭

厚朴

生姜汁製

官桂

去皮

白朮

甘草

炙

乾姜

炮

木香

已上各一兩

附子

二兩醋浸炮，七次去皮臍

右為細末，煉蜜和丸，如梧桐子大，每服二十九，食

後飲湯下

木香湯腫湯

治諸瘡疽始發，腫焮，增長熱痛

木香

犀角

大黃

梔子仁

升麻

黃芩

黃連 射干 黃蘗

白欽 甘艸炙 砒硝

紫檀 羚羊角已上各一兩

右咬咀入生地黄汁五合如無只用生乾地黄五兩剉碎和勻每用藥五兩水一斗煎至七升入麝香五錢淨帛蘸藥熱搗腫上日兩三度冷即再換升麻湯腫湯

升麻 黃芪 防風

川芎 生地黃 細辛已上各等分

右咬咀用藥二兩水二升煎十沸稍熱淋湯內消如神

漏腫升麻湯出總錄林湯條下

升麻 芒硝 黃芩

漏蘆 梔子仁 葫蘆已上各等分

右咬咀每用藥二兩水三升煎十沸帛蘸藥濕漬腫處

猪蹄湯出聖惠方

升麻 甘艸 芍藥

蒴藿 已上各等分

右咬咀。每用藥四兩。水一斗。猪蹄一對。煮蹄軟。取出。次下藥。再煎十沸。帛蘸淋濕之。

甘草大豆湯 出聖惠方

治外陰蝕下。疝瘕瘡腫痛。

甘艸 三兩 赤皮蔥 三莖 大豆 一合

右用水三升。煮豆熟為度。用槐條一握。同煮。取清汁。熱淋浴。冷即再溫浸。三二時為度。大効。

濕腫湯

芍藥 丹參 黃芩 去黑心

白欽 已上各等分

洗毒湯
右咬咀。用藥五錢。水一升。煎十沸。帛蘸頻濕之。

苦參 防風 甘艸 炙

露蜂房 已上各等分

右咬咀。水煮濃汁。洗瘡腫。

浴毒湯 出拾遺衛生方

治小腸風陰瘡痒痛。

木通

藁木

枳殼

管仲

白芷

荆芥

甘松

薄荷已上各等分

右咬咀用藥二兩水五升入苦硝半兩煎至三升

熱洗浴瘡

何首烏散此秘寶生方

治遍身瘡腫痒痛

防風

苦參

何首烏

薄荷

已上各等分

右為粗末每用藥半兩水酒各一升共用一斗六升煎十沸熱洗便於避風處睡一覺其痛甚者二日痊愈

八仙散此衛生方

治遊風腫痒疥癬瘡或因洗頭遊風癢痒生瘡

細辛

荆芥

白芷

川芎

黃芩

防風

甘艸

地骨皮已上各等分

右為粗末每用藥二兩水二碗煎十沸去粗熱淋

湯患處

消毒湯

治百雜瘡腫悉能內消

獨活

防風

細辛

藁本

川芎

枸杞子

荆芥

漏蘆

大黃

黃芩

去腐

官桂

苦參

葳靈仙

丹參

黃芪

當歸

芍藥

茯苓

黃連

無心艸

黃蘗

麻黃

葛根

蒴藋

菊花

杜仲

地骨皮

秦皮

蘭艸

甘艸

甘松

藿香

白芷

露蜂房

升麻

零陵香 已上各一兩

蒼朮 三兩

砂硝 五兩

菖蒲 八兩

右為粗末每用藥半兩水二升蔥三莖槐柳枝各一握同煎十餘沸去粗熱淋洗浴此藥用之如神

熨風散 出玉子子中箱集

羌活

防風

白芷

當歸

芍藥

細辛

芫花

吳茱萸

官桂 已上各等分

右為粗末作一劑赤皮蔥連鬚細切半斤同醃醋拌勻炒令極熟帛裹於瘡上熨之稍冷即換藥熨之上下痛止而已

應痛丸

治走注疼痛疑是附骨疽者

蒼朮 去皮

當歸

艸烏頭 炮

黑牽牛 已上各一兩

右為細末用醋糊為丸如小豆大每服三十九空心醋湯送下

黃芪丸

治腎臟風虛攻注手足頭面麻痺痛痒或生疥癬腫焮

黃芪

烏藥

茴香 炒

地龍 去土

川椒 去目

防風

川練子炒

赤小豆

白蒺藜去刺

海桐皮

歲靈仙

陳皮已上各等分

右為細末酒糊為丸如梧桐子大每服三十九空心溫酒送下

梔子仁湯

出普濟生靈方

治時氣頭面赤腫

鬱金

枳殼

升麻

梔子仁

牛蒡子

大黃已上各一兩

右為細末每服三錢蜜水調下

葛根牛蒡子湯

治時毒大頭病是也

葛根

管仲

甘州

鹽豉

牛蒡子

已上各一兩

右為細末每服三錢用水調下此疾近代患者傳染多致天柱治之者少得方法只云大熱必然殊不知亦有虛實表裏治之者詳其汗下吐不同大抵與傷寒頗類其中亦有可針鎌砭射出血者亦有久而敗爛出膿者其間變異百端不可不慎所

宜時疾也。

通氣散

治時氣頭面赤腫或咽喉閉塞不通用之取嚏噴七八遍洩出其毒則差若看病之人用此藥必不傳染。

玄胡

一兩
五錢

猪牙皂角

川芎
已上各
一兩

藜蘆

五錢

躑躅花

二錢
五分

右為細末每用紙捻子蘸一米許紙於鼻中取嚏為効。

白丁香散

治婦人吹妳初覺身熱頭痛寒熱及胸乳腫硬是其候也服之能令下其乳汁通其血脉立能自消矣。

白丁香

直者

右為細末每服二錢酒調服腫硬立消甚者不過三服。

金銀花散

治發背惡瘡托裏止痛排膿。

東垣一書

外科精義

三

金銀花

四兩無花用苗葉嫩莖代之

甘艸 一兩

右為粗末，分為三服，酒水各一盞，同煎至一盞，去粗溫服，無時。

皂蛤散

治婦人因露風邪氣外客於乳內，始為吹妳，積久不消，以為妳癰。此藥導其汁散其風邪，汗出其病自然痊愈矣。

皂角

不吐者燒存性

真蛤粉

已上各等分

右為細末，每服二錢，溫酒調下，不拘時候。

十香膏

治五發惡瘡，結核瘰癧，疔癰疽痔。

沉香

麝香 已上各一錢

木香

丁香

乳香

甘松

白芷

安息香

藿香

零陵香

各五錢同為細末

當歸

川芎

黃芪

木通

芍藥

細辛

升麻

白欬

獨活

川椒

藁本	厚朴
木鱉子	商陸根 <small>各二兩 剉碎</small>
桃仁	栢子仁
松子仁 <small>各五錢</small>	桑枝
柳枝	沒藥
輕粉	硃砂
雲母石	亂髮灰
白礬灰 <small>各二兩 研細末</small>	猪脂
羊腎脂 <small>各三兩</small>	清芝麻油 三斤
	黃丹 一斤
	生犀角
	雄黃
	松枝 <small>各二兩 剉</small>
	槐枝
	杏仁
	官桂
	舊蒲

右先於木炭火鍊油香熟下一十六味剉碎藥并四枝四仁熬至紫黑色出火濾去粗入脂酥煎十餘沸再以新綿濾過油澄清拭鎊令淨再入火上煎油沸下丹用濕榜枝作簞子不住攪熬一日滴在水中成珠不散則成也離火入十味藥末攪勻再上火入雲母等粉八味輕煎令沸出火不住攪食時於磁盒內密封收每用量瘡口大小緋帛上攤貼之腸胃癰疽可作丸如梧桐子大每服七丸空心溫酒送下

犀角膏

當歸

川芎

黃芪

白芷

白斂

杏仁

木鱉子

官桂

乳香

沒藥

已上各一兩

亂髮灰

五錢

黃丹

二斤

清油

五斤

右前八味細剉於油內先浸一宿於木炭火上熬至杏仁白芷焦濾去粗澄清再熬油沸下丹以濕椰木篋子不住攪旋滴藥在水中如珠不散出火

候一時辰下乳香沒藥并髮灰攪勻於磁盒內收依常法攤用之

乳香膏

治一切惡瘡打撲走注疼痛

乳香

研

珠子瀝青

白蠟

已上各五錢

白膠香

杏子油

右將瀝青於木炭火上先溶開下白膠香黃蠟化開入油攪勻以綿濾去粗於井花水中持拔白色如銀再溶入乳香在內拔白色收磁盒內依常法

攤用之

白龍膏

治頭面五發惡瘡及燒湯凍破潰爛止痛生肌清
血脉消毒散腫通氣脉如神且可無癍痕

輕粉 五錢
另研

白薇

白芷

白歛

黃芪

商陸根

柳白皮

桑白皮

匕上各
一兩

乳香 二兩
另研

定粉 另研

黃蠟 匕上各
八兩

杏子油 一斤
麻油亦可

右七味剉油內搗浸三日於木炭火上煎令白芷

黃色濾去粗於油中下黃蠟乳香後溶開出火再
濾候微冷下輕粉定粉急攪至冷磁盆內收貯每
用緋絹上攤用之

消毒膏

當歸

黃芪

川芎

杏仁

白芷

白歛

零陵香

槐白皮

柳枝 嫩者

木鱉子 用仁

甘松 匕上各
五錢剉

乳香

沒藥 匕上各
三錢

輕粉 一錢

硃砂

硃紅 已上各五分

麝香 一分

黃丹 炒紫色

黃蠟 已上各八兩

芝麻油 一斤

右將藥油浸七日。木炭火上煎杏仁焦色。濾去粗。下黃蠟候溶開出火。下丹急攪百十轉。下乳香麝香硃砂等六味。不在手攪至凝。磁盒內收貯。白絹上攤之。治證如白龍膏之類。貼面目毛髮。最宜用之。

磨風膏

治頭面五發瘡腫疥癬等疾。及湯火破傷磨風。止

霜滅癩痕

白附子

白芍藥

白茯苓

零陵香

白芨

白歛

白芷

白檀

藿香

升麻

細辛

黃芪

甘艸

杏仁 去皮尖已

腦子 一分

括萋根 一兩

大括萋 去皮 二兩

黃蠟 六兩

芝麻油 一斤

右先藥十四味。剉油內浸百日。於臘日慢水炭火

上銀石器內煎至白芷微黃色離火入括萋二味著火煮百沸重綿濾去粗再慢火上煉油香下削淨黃蠟溶開為度傾在磁器內收貯上糝腦子密封旋用磨風塗之

天麻膏

治疥癬赤禿手足癬皮剝起癢癢疔瘡侵蝕痛膿汁浸淫滋蔓經久不差者

- 艸烏頭
- 釣苓根
- 木鱉子 甲仁
- 天麻
- 藜蘆
- 川芎

- 狼毒 匕上各
- 輕粉
- 粉霜 匕上各二分另研
- 臘猪脂 二兩
- 黃蠟 六兩
- 油 一斤

右前七味細剉如麻豆大於油內煎至焦紫色令冷濾去粗上火入黃蠟猪脂溶開再用重綿濾過入輕粉粉霜攪凝磁盒內收貯用以塗磨之大効善應膏 出南京寶梵院明昌六年間進方

- 當歸
- 白芨
- 官桂
- 白斂
- 白芷
- 杏仁
- 木鱉子仁 匕上各一兩剉碎
- 乳香

沒藥

已上各五錢研

黃丹 二斤

芝麻油 五斤

右先將油煎到藥令白芷焦黃濾去粗再煎油沸下丹用濕柳篋子不住手攪滴在水成珠子住火入乳香沒藥攪勻以磁盒內收貯每用依常法攤用之

靈應膏

出總錄

治五發惡瘡癩癰結核乳癰

鹿角

十兩燒存性

白歛

五兩

白麥飯石

玉兩燒醋淬七次

右為細末每用醋醋中熬如膏厚塗于上中心留

一竅以出其毒以故舊軟布攤之貼未成膿者貼即自消已成膿者便潰惡肉疾出新肉早生効不必具陳用之如神

翠玉膏

治輭癰膿水逗流愈後復發

明歷青

四兩

銅碌

二兩

芝麻油

三錢

棕猪膽

三箇

右先於炭火上溶開歷青入油令沸下膽汁攪勻入水中用手搏撮磁盒內收貯用于緋光絹上量

瘡大小攤貼之不須再換一上便痊可自落爲度
追毒散 太醫成子玉方

治一切惡瘡膿水不快者

五靈脂

川烏頭 炮

白乾姜 炮已上各一兩

全蝎 五錢

右爲細末用少許糝瘡口中深者紙撚蘸藥紙入瘡內以膏貼之或水浸蒸餅令浸透搗去水和藥須令勻撚作錠子每用紙入瘡口中亦名毒錠子
廻瘡錠子

治丁瘡大効

艸烏頭 一兩

蟾酥 七錢許

巴豆 七粒去皮

麝香 一字

右爲細末麵糊和就撚作錠子如有惡瘡透了不痛無血者用針深刺到痛處有血用此錠子紙之上用膏貼之丁瘡四畔紙之其丁三日自然拔出此藥最當緊用

射膿丸

治諸瘡癰膿水已成卽當針開決出陳臭惡於則

其治也若其惡淤不出欲鍼石須當開發用此藥以射出其膿也

白礬灰 一錢 砒霜 五分 黃丹 一字

右為末麵糊為丸撚作錠子每用粘瘡頭欲出處以膏貼之自潰

替鍼丸 出保生信効方

治證同前

陳壞米末 一錢 硃砂 五分 雄雀糞 直者二枚

右為細末粳米粥丸如粳米樣每用一丸粘在瘡

頭上以膏貼之

治瘰癧并馬老鼠瘡

銅碌 斑猫 砒霜 已上各五分

右為細末醋糊為丸如鼠糞大每用時下錠子作三丸納於瘡口上以膏貼之如無瘡口乾摻之亦妙

翠霞散

治百雜惡瘡去毒生肌

滑石 一兩 銅碌 五錢 輕粉 二錢

片腦

麝香

已上各三分

粉霜

一字

右為細末每藥藥紙於瘡口內以膏貼之或滑石二兩名二聖散量其淺深輕重用之

搜膿散

治年深不較惡瘡

白芷 一兩

芎藭 二兩

白芍藥 三兩

輕粉 三錢

右為細末每用乾糝瘡口上瘡口深者紙之

引膿散

治證同前

狼毒

釣苓根

無心艸根

白丁香

已上各五錢

麝香 一字

右為細末如前法用治之

乳香散

治證同前

白乾姜

苦丁香

艸身頭

已上各五錢

釣苓根

狼毒

乳香

已上各一兩

右為細末每用乾糝之或唾調作錠子紙入瘡內

卽愈。

釣苓散

陳官寶方

治證同前。

井鹽 一兩

無心艸

乾姜 已上各一兩

釣苓根 三兩

右爲細末。每用乾糝之。或唾調少許塗在膏上。就貼之。

截疔散

治年深疔瘻瘡大效。

蜜陀僧

白欵

白芨

黃丹 已上各一兩

黃連 五錢

輕粉 一錢

腦子

麝香 已上各五分

右前四味爲細末。後四味別研極細。和勻爲散。每用或糝或紙瘡口中。以膏貼之。

抵聖散

治耳中膿。經年不愈。及驢涎馬汗。攻焮瘡。瘍骨疽。疔瘻等瘡。

白礬灰 一兩

烏魚骨 三錢

乳香 二錢

乾胭脂 輕粉已上各五錢 麝香五分

右為細末。或糝或紙。以膏貼之。如有耳膿者。用一字。紙耳中。

青金錠子

治諸惡瘡膿出不快者。及多年疔瘻瘡愈而復發。

白丁香 銅青 硃砂

粉霜 輕粉已上各五分 麝香

龍腦已上各一字

右為細末。麵糊為丸。撚作錠子。每用紙入瘡口中。

膿水出快

白龍散

主生肌止痛。及耳中卒然大痛。

寒水石四兩燒半白研 身賊魚骨研 滑石已上各一兩研

鵬砂三錢 輕粉一錢

右為細末。每用乾糝耳中痛者。油調如糊。滴紙於耳中。痛立止。

桃紅散

主斂瘡生肌肉。定血僻風邪。

滑石

四兩

寒水石

燒二兩

小豆粉

一兩

乳香

輕粉

已上各一錢

右為細末。每用乾糝。血不正者。和燈州。貼瘡。以上以帛封之。

檳榔散

治久患惡瘡。肌肉遲生。

木香

黃連

檳榔

已上各等分

右為細末。每用乾糝之。

金黃散

出九篇衛生方

主消腫。散毒生肌。止痛。

黃連

大黃

黃芪

黃芩

黃蘗

鬱金

已上各一兩

甘艸

龍腦

五分 另研

右為細末。入龍腦研勻。若治濕毒丹腫。新水調掃。赤上。或蜜水調。如稀糊。用小紙花子貼之。或小油調掃。如久不差。熱毒瘡。赤乾糝。或水調塗。亦佳。

生肌散
主斂瘡。大效。

寒水石燒

滑石已上各二兩

龍骨

烏魚骨

已上各一兩

蜜陀僧

枯白礬

乾胭脂

定粉已上各伍錢

右為細末用藥乾糝瘡口上

水澄膏

治熱毒腫痛大效

大黃

黃蘗

鬱金

天南星

白芨

石硝

黃蜀葵花已上各一兩

右為細末。每用新水一盞半。藥末二錢攪調勻。候澄底者去浮水。以紙花子攤於腫焮處貼之。如急燥津唾潤之。此藥治熱毒赤腫神效。如皮膚白色者勿用之。

拔毒散

治熱毒丹腫遊走不定。

寒水石

生用

石膏生用已上各四兩 黃蘗

甘艸已上各一兩

右為細末。每用新水調掃之。或油調塗之。或紙花

子小貼亦妙涼水潤之

金露散 出普降
生靈左

治時氣熱毒

寒水石 生用一兩 黃藥 一兩

白芨

白欬 雄黃 已上各二錢五分

右為細末無根水調以紙花子貼或搗亦妙

消毒散

治諸惡瘡生肌止痛消毒散腫

滑石 一斤 黃藥 二兩 黃丹 一兩

乳香 五錢 輕粉 三錢

右為細末每用乾糝或燒湯及下注賺瘡風濕疥癬等瘡油調塗之

外科精義卷之三 終

外科精義卷之四

醫學博士選充御藥院太醫齊德之纂
宣授保全郎陝西醫局提舉馬雲卿技

大檳榔散 成子玉方

治乾濕疥癬

硫黃

黑狗脊

已上各五錢 輕粉 一錢

紅娘子

大檳榔

已上各一箇

右爲細末每用藥末半錢於手掌中臨卧時油調
如糊兩手搓摩極熱鼻內聞之及摩擦疥上隔日

再用甚者不過三上必驗。

天麻散

治白秃甜瘡及風毒疥癬

藜蘆

天麻

狼毒

白芷

茵艸

釣苓根

艸烏頭

管仲

細辛已上各五錢

雄黃二錢

輕粉一錢

右為細末每用藥半兩紙一重綿裹油二兩浸三日外蘸指擦患處如稍乾添油一兩添至三兩換

藥其効如神

決効散

治風痒頭瘡

管仲三兩

白芷一兩

右為細末油調塗之。

水銀膏

治癩瘡疥癬無名惡瘡但是手足瘡疥浸淫多汗久而重生塗之神効

藺茹剉

黃蠟已上各一兩

黃連剉

蛇牀

微炒

白礬枯

水銀

已上各二兩

右用臘猪脂七兩熬開下三件到藥煮至焦紫色去粗再入黃蠟溶開出火稍凝下水銀礬石攪至勻每用塗摩

平肌散

治諸瘡久不斂者

蜜陀僧

花藥石

二味同煨赤色

白龍骨

已上各一兩

黃丹

乳香

研

黃連

已上各二錢五分

輕粉 一錢

右為細末入乳香輕粉黃丹同研令勻每用乾糝之

神黃散

治一切熱腫攻焮疼痛

黃蘗末 一斤

黃丹

二兩炒紫色

雄黃

一兩另研

右同研勻每用新水調如糊敷掃以小紙花貼稍乾以蜜水潤之

博金散

治下疳蝕臭爛腫痛

白礬

與蜜陀僧同為末相和於沙鍋內火上炮汗盡

蜜陀僧

已上各五錢

白堊

二錢

黃丹

輕粉

已上各一錢

乳香

五分

麝香

一分

右為細末先須別用槐枝蔥白鹽甘艸熬湯淋濕洗一二時淹乾上項藥每用藥先須洗浴然後糝藥甚者三五次差。

金傷散

治刀鎌斧傷僻風止痛生肌

白芨

三兩

陳石灰

風化

桑白皮

黃丹

已上各二兩

白附子

天南星

龍骨

已上各一兩

右為細末每用乾貼之

完肌散

治證同前

蜜陀僧

桑白皮

新者

龍骨

已上各四兩

陳石灰

二兩

黃丹

五錢

麝香

一錢另研

右為細末每用乾糝之

定血散

治證同前。

黃丹 一兩

烏魚骨

白礬灰

龍骨 已上各二兩

蜜陀僧 半斤

桑白皮 一斤

右為細末。每用乾糝定血如神。

碧霞錠子

太醫陳官寶方

治惡瘡透不覺疼痛。

銅碌 一兩

硃砂 二錢

蟾酥 一錢

右為細末。軟米飯一處擦勻。然作錠子。粳米樣。每用針刺之。不覺痛者。但有血出。維一錠子在內。以

膏貼之。或作散。以紙捻蘸。維之。亦可。臨證看如何。宜合用度。

漏蘆湯

治婦人吹妳初覺。

漏蘆

練實

大黃

黃芩

芍藥

甘艸 已上各五錢

右為篩末。每服三錢。水一盞。半燈州。二十莖同煎。至一盞。去粗。溫服。無時。

玉粉散

出蘇沈蟬方

治陰瘡浸淫不止

白礬灰

定粉

已上各等分

右研細末先洗浴淨淹乾敷藥之

香礬散

治小兒斷臍之後不乾及膿出耳中

枯礬 五錢

龍骨

黃丹 已上各一錢

麝香 少許

右為細末每用乾糝之

紫金散

治瘰癧久不差者

枯礬 五錢

砒霜 一錢

石膽 五分

右為細末入黃丹二錢每用紙入瘡口內以膏貼之如未破者灸一兩炷用津唾旋調一豆許安瘡上以膏貼之去根自平復

通耳丹 廣全寶傳

治耳聾

桑螵蛸

安息香

阿魏 已上各一錢五分

硃砂 五分

革麻子仁

大蒜

芭豆仁 已上各七箇

右為細末入二仁與蒜同研爛為丸如棗核樣每用一丸綿裹內耳中如覺微痛即取出親驗方

菖蒲錠子 一名菖蒲散

治耳中卒痛

菖蒲

附子

炮去皮臍已上各二兩

右為細末每用油調滴耳內立効

寸金錠子

太醫成子寶方

治瘰疬疾

藤黃

雄黃

雌黃

硫黃

輕粉

粉霜

麝香

砒霜

黃丹

已上各一錢

牡蠣粉

紅藤根

乾漆

已上各五錢

右為細末研勻燒陳米飯和搗為丸如棗核大每用一丸內臍門中深二寸許放定令用新磚毬子二箇炭火燒赤蘸醋中蘸過綿裹一箇於臍門上灸之冷即換上下次之來日大便下臭敗惡物除根也

薰痔散

歲靈仙 三兩

右用水一斗半煎至七八沸去火就盆上坐令氣薰之候通手淋濕冷即再暖

通靈丸

治耳聾

松脂 五錢

巴豆 二十四箇
去皮所

右先將松脂溶開入巴豆末熬成膏丸如白豆大綿裹一丸塞耳中覺痛取出赤水為効

三神丸

治僧道痔疾因讀養生必効方見乾義傳僧覺海少年患痔疾其行業比冰霜緣此飽食久坐知痔疾者不必酒色過度矣故素問云因而飽食筋脉橫解腸澀為痔治之故不同也

枳殼 炒去穢

皂角 燒存性

五倍子 已上各等分

右為細末鍊蜜為丸如梧桐子大每服三二十丸溫水食前服養生必効方中三味皆單用一味為方今增為一方其効如神

玉芝飲子

治膈熱口舌生瘡咽喉腫痛

甘艸 炙二兩

藿香葉

石膏 水飛

山梔子仁 已上各一兩

右為細末每服一錢新酒調下

平和飲子 出應願經中

治小兒瘡疹

人參

白朮

茯苓

甘艸

升麻 已上各等分

右為細末每服一二錢水煎去粗溫細細飲之量
歲大小虛實以意詳之此藥治諸瘡疹煩渴不寧
者皆可服之惟小兒瘡疹尤佳

玄參丸 出僧居泰傳

治口瘡連年不愈者

天門冬 去心

麥門冬 去心

玄參 已上各等分

右為細末鍊蜜為丸如彈子大每服一丸噙化

犀角散

治口舌生瘡咽喉腫痛熱毒時氣

升麻

桔梗

甘艸 炙已上 各一兩

牛蒡子 炒四兩

右為細末，每服三錢，水一盞，入竹葉五七斤，煎至七分，去粗，細細熱嗽，溫即嚥之，其粗熱掃項腫上，防風散。

治破傷瘡瘍風邪，或身體疼痛風邪，攻注攣急及皮膚瘙癢麻木不仁，頭昏悶，牙關緊，欲成破傷風者。

防風 一兩

藥本

羌活

地骨皮

荆芥穗 已上各五錢

右為細末，每服三錢，溫酒調下。

烏金散

治瘡癩惡瘡

麝香

蟾酥 已上各一字

粉霜

硃砂

輕粉 已上各一錢

銅碌

砒霜

白乾姜

艸烏頭

天南星

船上硫黃 已上各五錢

右為細末，紙摺紙之，或湯浸蒸餅和為錠子，紙瘡。

身地十書
口內上以膏貼之

○劉守真瘡論

素問云痛痒瘡瘍癰腫疽疹癩氣結核拂鬱甚者皆熱五臟不和九竅不通六腑不和留結爲癰近于火氣微熱則痒熱甚則痛附近則灼而爲瘡皆火之用也人之瘡腫因內熱外虛所生也爲風濕之所乘則生瘡腫然肺主氣候于皮毛脾主肌肉氣虛則膚腠開爲風濕所乘脾氣溫而內熱即生瘡也腫者由寒熱毒氣客于經絡使血澀而不通壅結成腫風邪不

作卽無頭無根寒血相搏作者卽有頭有根壅盛則爲膿赤根腫則風氣流潰也瘡以痛痒痛則爲實痒則爲虛非虛爲寒也正謂熱之微甚也痒則美疾也故火旺於夏而萬物蕃鮮榮美也炙之以火潰之以湯而其痒轉甚者微熱之所使也痒去者謂熱令皮膚縱緩腠理開通陽氣得泄熱散而去或夏熱皮膚痒而以冷水沃之其痒不去謂寒收斂腠理閉密陽氣鬱結不能散拂熱內作故也瘡瘍皆爲火熱而反腐出膿水者猶穀肉果菜熱極則腐爛而潰爲污水

東垣十書 卷四
也潰而腐爛者水之化也。癰淺而大疽深而惡熱勝血則為癰膿也。瘍有頭小瘡也。疹浮而小。癩疹也。瘡氣赤痛丹燥熱勝氣火之色也。
沒藥膏

治一切癰疽發背瘡癤傷折跌壞膿生肌止痛
又貼灸瘡極妙

- 麒麟竭 明乳香 沒藥已上各一分研
- 當歸去蘆 木鱉子仁研 杏仁已上各五錢
- 油頭髮二兩 黃丹六兩

右先用油一斤石器內或沙鍋內露天底鍊油令熟先下木鱉子當歸杏子頭髮慢火熬黃焦油耗五分離火用綿濾粗不用再入鍋下黃丹以新柳篋子十條旋換攪不住手候黑色滴在水中成珠子硬轉得所取下火入三味研藥再攪勻磁盆內盛放地上以盆合丁宿出火毒用時或帛上或紙上攤一日一換

必効散
治久患瘰癧不効服此藥取効如神

南鵬砂 二錢五分

輕粉 一錢

麝香 五分

班猫 四十箇 去頭翅

巴豆 五箇去皮心膜

白槿榔 一箇

右同研極細取雞子清二箇去黃調藥勻却傾在雞子殼內濕紙數重糊定無令透氣坐飯甑內與飯一處蒸飯熟取藥曝乾研極細末用時相度虛實虛人每服半錢實人每服一錢並用炒生姜酒下五更初服藥至天明取下惡物如覺小腹內疼痛便用絲麻子燒灰入沒藥等分同研細用茶調下錢便入大腸其取下惡物如爛肉老鼠兒及

新成卵內雀兒是藥効婦人有胎不可服
烏金散

治癰瘡腫硬無頭不變色者

米粉 四兩

蔥白 一兩 細切

右同炒黑色杵為細末每用看多少醋調攤紙上貼病處一伏時換一次消為度

抵聖丸

治男子婦人頭面手足虛腫

苦苧蘆

不以多少于火上隔紙炒過

右杵為細末棗肉為丸如小豆大每服十九煎麻子湯下食前日進三服五七日小便多腫消為効如喘嗽煎桑白皮湯下忌生冷醋滑物及鹽須別丸一等小丸兒與小丸服看大小加減與服煎棗肉湯下

應効散

治氣瘕疝瘡多年不効者

地骨皮

不以多少冬月自取只要皮陰乾

右杵為細末每用紙撚蘸維瘡口內頻用自然生

肉更用米飲調二錢無時日進三服又名托裏散
白金散

治風攻注毒遍身及手足生熱瘡疼痛有黃水出者

桂府滑石

右為細末先用虎杖甘艸豌豆各等分約半兩許二椀水煎上項三味至一椀去粗微熱淋洗瘡水冷拭乾上糝滑石末令通便睡至明決愈
如聖散

治渾身瘙癢，抓之成瘡，及癩疹之類。

蠶沙 一升

右用水二斗，煎至一斗，濾去粗，夜臥避風處，淋洗水冷，即拭乾，便睡。

天蛾散

治刀斧傷，止血，定痛，生肌。

晚蠶蛾 不拘多少

右為細末，每用藥貼於瘡口，上用綿裹，不須再動，上便可。

必效散

治蜘蛛咬，若疼痛。

鹽豉 炒乾

右為細末，每用油調塗之，必效。

蛤粉散

治湯火燒瘡。

蛤 燒赤，放冷。

右研如粉，每用油調塗之，日三次。

治小兒丹瘤。

木鱉子

新者去殼

右研如泥。淡醋調。傅之。一日三五次。便効。

治小兒疳口瘡

天南星

一箇去皮

右為末。好醋調。攤在紙上。男左女右。貼在脚心底。以帛繫定。三日。外取了。以溫水洗盡。脚下藥。

治破傷風。并洗頭風藥

麻黃

一錢去節

蝎稍

二錢五分

蠻姜

艸烏頭

黑附子

炮去皮

白附子

天麻

川芎 已上各五錢

烏稍蛇

好酒浸。三夜去骨。火上炙黃。色去。

右為細末。每服一錢。熱酒調下。日進三五服。重者三五日必効。此證不宜早治。但邪氣入臟。則難治。治有四死。證不可治。一頭面青黑色。二額上有汗珠不流。三眼小。目瞪。四身上汗出如油。

烏龍丸

治遍身風瘡。癢痒疥癬等疾。服之。消風散熱。利膈。化痰唾。治肺氣不和。此藥推陳致新。去腸垢。治證。

甚多要能用度

皂角肥者不以多少多刮去皮弦搥碎搥碎水取濃汁去粗銀石器內熬成膏另放

黑牽牛

不以多少微炒令香熟碾取頭末

右將藥末與皂角膏和丸如梧桐子大每服三五十丸氣虛者一二丸食後溫水送下無病氣實人一兩箇月頓一服取利三五行不傷正氣身體輕健肌膚光澤永無風痰疥癬之疾

紫參丸

治熱毒瘰癧腫毒未成者內消已潰者行膿止痛

散腫毒

麝香另研

膩粉已上各

紫參

苦參炒已上各一兩

丹參一兩

連翹二兩

滑石二兩五錢

右為末別用玄參一斤搗碎以酒三椀浸二日搥取汁去粗用皂角子三百箇煨熟為末用玄參酒熬皂角子末成膏和前藥丸如梧桐子大每服一丸以黃芪湯下一日加一丸至患人歲數即住如四十則二十每日減一丸其瘡自乾已結者內消

也服此藥大有神効

萬靈丸

治背腦疽并一切惡瘡初覺一二日

硃砂

血礪

蓮蕊已上各等分

麝香少許

右爲細末酒糊爲丸如黃米大每服七丸温酒送下瘡在上食後在下食前不過二服即効

治眼

治昏澀退翳膜

川椒

四兩去子合者不用

熟乾地黃

二兩酒浸九蒸九曝

甘菊花

二兩五錢

右爲細末鍊蜜爲丸如梧桐子大每服二十丸食後細嚼新折米十餘粒送下

治吹妳方田仲寬方

治吹妳及一切惡瘡初覺一二日立効

生姜

一兩去皮

大黃

甘草

已上各五錢

苾蕒

一箇去皮

右共搗作一塊以水半椀同煎至七分濾去粗入



沒藥乳香末共二錢半通作一服

治痔瘡

雄黃五分細研

五靈脂去石燒過斷烟

五倍子炮已上各一錢

沒藥二錢五分明淨者

白礬半飛半生

右為細末研令極細用紙花子貼瘡口上

洗痔

防風

當歸

川芎已上各等分

右三味剉細煎水去粗令熟溫淋洗瘡用軟帛印乾傅前藥

寸金丹

二名返魂丹三名再生丸四名追命丹五名延壽

丸六名來甦丸七名知命丸八名得道丸非人勿

示此方若有人患瘡身未爛者與三丸服之嚥下

便活如口噤但幹開牙關研下三丸灌下喉中立

生此方治發背腦疽癰腫遍身附骨腫痛先覺時

飲水口中煩渴發熱四肢沉重體壯熱

麝香一分

南乳香

烏金石

輕粉

雄黃

狗寶

沒藥

已上各一錢

蟾酥

二錢

粉霜

黃蠟

已上各三錢

硃砂

五錢

鯉魚膽

乾用

狗膽

已上各一箇乾用

金頭蜈蚣

七條全者酥炙黃色

頭首兒孩兒乳

一合

右件爲末除黃蠟乳汁二味熬成膏子同和九如菜豆大小兒丸如芥子大每服一丸病重者加三九白丁香七箇研爛新汲水調送下用衣服蓋之睡勿令透風汗出爲度大段疼痛如無頭瘡腫不過二服立效服藥後喫白粥菰藿就服大妙

牙疳藥

此藥是京兆惠民局見行經驗方

治大人小兒

揀信

青黛

輕粉

已上各一錢

麝香

五分

右同爲細末用小油調薄攤紙上用木鏡鏡實收起每用臨卧以漿水洗淨印乾可瘡口大小以藥紙封之至曉去藥紙嗽淨勿令嚙下大者不過三上必効

廻瘡蟾酥錠子

馬雲卿親傳經驗方

治丁瘡毒氣攻心欲死以針刺其瘡向心行處但覺痛有血處下錠子若累刺至心側近皆不痛無血者急針百會穴痛有血者下錠子若無血以親人熱血代之猶活三四况瘡初發無有不効大抵丁瘡生于四肢及胸背頭項骨節間唯胸背頭項最急初生痛痒不常中陷如丁蓋撼之有根壯熱惡心是也。

天南星

欵冬花

巴豆仁

黃丹

白信

巴上各一錢

獨活

五分

班貓

去頭足十箇

右爲極細末用新蟾酥和藥如黍米大撚作錠子每遇丁瘡先以針刺其瘡必不知痛有血出者下錠子如覺痛不須再用若更不知痛再隨瘡所行處迎奪刺之至有血知痛卽止其元瘡亦覺疼痛以膏藥傅之膿出自差用錠子法度以銀作細筒子一箇約長二三寸許隨針下至瘡痛處復以細銀絲子內藥於筒內推至痛處

乳香托裏散

同前所傳

治一切瘡腫疼痛不可忍。如少壯氣實者先疎利後服之。大効。

御米殼

去隔蒂蕒，蜜炒三兩

當歸

芍藥

川芎 已上各五錢

沒藥

乳香

已上各一錢

右為麤末，每服五錢，水一盞半，煎至七分，去粗溫服。病在上者食後，在下者食前，若未止，即再服。四聖旋丁散 各醫秘傳經驗方

治丁瘡生于四肢，其勢微者，先以好醋調藥塗之，以紙封之。次服內托裏之藥，其丁自旋出根。

巴豆仁

五分

白殭蠶

輕粉

硃砂

已上各二錢五分

右為細末，醋調用之。

天丁散

同前秘傳經驗方

治一切丁瘡及諸惡瘡初生，以藥塗之，急服托裏內消。

山丹花藥

香白芷

已上各二錢

牛蒡根

春採去皮

天丁 乃皂角刺
雄黃 一兩

蒼耳芽

大力子 已上各五錢

右五月五日受氣修合為細末。每用好醋塗紙封之。丁瘡上有黑甲者必須胡桃油浸。次塗之。自可萬應膏 同前所傳

治一切瘡瘍初生。腫焮甚者無問大小。以膏可腫痕貼之。煎蔥白水。執淋兩炊時。良久再淋。腫消為度。如瘡老不能差者。亦收斂聚膿。決然早差。

黃蘗

芍藥

白芷

黃芪

木鱉仁

杏仁

當歸

白芨

生地黃

官桂

玄參 去皮剉碎

沒藥

乳香 已上各五錢研

白欬

黃蠟 已上各一兩

黃芩

大黃 已上各二兩

黃丹 一斤

芝麻油 二斤半

右件十四味。入油內浸一宿。絕早入沙鍋。慢火熬用生柳條攪至申時。以焦褐色出火。去粗粗。又以重綿濾過。入丹再熬。旋滴水。水中成珠子不散者出。

東垣十書 卷四
火絕烟入乳香沒藥黃蠟攪勻用篋器收貯於土
內埋七日取出攤用。

治小兒面湮瘡

俗云鍊銀瘡者是母受胎之日食酸辣及邪味過
度多生此瘡。

百藥前 五錢

生白礬 二錢

右爲細末小油調旋搽之神效。

治赤白口瘡

大人飢渴不時小兒失驚卽生口瘡。

生白礬 一錢

右噙嗽之從瀝頑涎立效。

治乾濕疥癬

此是肺受邪毒運於四肢久而不散以生肉蠹。

硫黃 一兩

生白礬 八錢

右爲細末油調火炙抓破塗之立效。

治湯火燒燙

無問新舊

青槐枝 一兩

棗豆粉 一兩炒
輕粉 一錢

外科精義

右同為細末油調塗之止痛滅毒
治破傷風

手足顛掉不巳者

硃砂 另研 南星 姜製

獨活 去皮已上 各二錢

人手足指甲 燒絕烟 六錢

右為細末分作三服酒調服之立効

治破傷

無問新舊


台灰

右用一味驗瘡口大小儘乾塗之不須封裹神効
治風狗咬破傷風

此病非為小可及九死一生之病可急用

好班猫 七箇去翅足

右為細末酒調服之於小便盆內見衣沫似狗形者為効如無再服七次雖無狗形亦不再發也此方累試經驗今附于此



論炮製諸藥及單方主療瘡腫法

夫藥者治病之物蓋流變在乎病主治在乎藥製用在乎人三者不可闕一也凡用一味炮炙修製及單方主療該引方書出處不必隨方標寫

硃砂
須研細木飛瀝乾若入膏中者待熬膏成稍凝冷即下急攪勿令沉聚大凡石類一一如此

雲母
即須用鍊成熟粉曾經婦人手拈者不効聖惠方

治湯火瘡羊髓和膏塗之神良千金方如治金瘡
及諸惡瘡依上塗傅大効

礬石 卽白礬

凡用須木炭火上枯汁盡主陰蝕惡瘡去鼻中瘰
肉生含嚙津治急喉閉肘後方治耳中卒腫痛或
有膿水者以筒吹丁字於耳中以綿塞之立効又
治諸毒虫惡獸咬傷傅之則差千金方以醋煮湯
潰蝟螫立差王氏博濟治驢馬汁毒傷人瘡腫痛
和黃丹傅之靈苑方治傷折瘡腫以沸湯投枯礬

水銀 漬浴之御藥院方治陰汗以枯礬投沸湯中浴之

主疥癩痂傷白禿入膏令膏冷凝下之攪令勻散
如星勿令沉聚

水銀粉 卽輕粉

主瘰癧殺疥癬虫酒躄風以羊髓和如膏塗及貼
廉瘡一上可

石灰

主疥癬骨疽金瘡風化者良外臺秘要方治風疹

以漿水調熱掃之隨手差孫真人治疥淋石灰水
溫洗之千年者尤佳

白麥飯石

卽麤理黃石

曾磨刀者佳凡用須醃醋淨之令屑落醋中者良
亦單用治發背神良本草曰大凡石類多主癰疽

花藥石

主金瘡止血合硫黃木炭火炒良或只刮花藥石
末効

黃芪

主癰疽久敗瘡排膿止痛兼五痔鼠瘻止渴聖惠
千金外臺秘要方治發背腦疽托裏止渴用黃芪
六兩甘草一兩剉細水煎溫服無時大効

菖耳

卽蒼耳

千金翼方丁腫用根莖葉炒灰存性爲末醋泔淀
和如泥塗之一日三易之三日腫消根丁自拔出
亦治諸腫掃之尋差

麻黃

凡用根節煮三沸掠去沫曬乾剉

黃芩

凡用去腐蘆揀細實者佳。梅師方治諸丹作末水調掃之。亦治湯火瘡。

烏頭附子

凡用須炮裂去皮臍。

半夏

凡用湯洗七次去滑。

羊蹄根

主乾癬疥。頭禿取根嚙塗之。効。簡要濟衆方治癬。

瘡久不差取新者絞汁和膩粉如膏塗之。千金聖惠外臺等方皆治癬。和醋或白礬或硫黃塗之皆愈。

狼毒

主癰疽惡瘡鼠瘻。聖惠方治癬瘡積年搔之黃汁出。痒痛以末傅之。或猪膏和塗差。

芭蕉根

主瘡腫搗根汁塗之。良百一方治發背根汁塗之。

土青木香

即馬兜苓根

主頭風搔痒秃瘡

連翹

主寒熱鼠瘻癰疽惡瘡癭瘤同甘草服食

蒲公英

主乳癰煮汁飲之自消梅師方傳之亦消

滑石

本草不言療瘡腫本體較治諸瘡久不愈消熱毒腫及金瘡血不止湯火炒瘡用之尤良

白石英

主肺癰吐膿咳嗽及膈上風熱痰肺癯消渴陰瘻補五臟

赤石脂

治瘡疽痔瘻瀉痢加芎末等分粥飲調服一錢重神効寒者加乾姜服

白石脂

治癰疽排膿生肌新生兒臍濕

雄黃

主寒熱鼠瘻惡瘡疽痔灸肌疥癬

東坡十書 卷四
三
硫黃

主女人陰蝕疽痔惡瘡疥癬殺虫

雌黃

主惡癩疥頭禿下部惡瘡殺虫

磁石

消癰腫主鼠瘻頸核喉痛

蜜陀僧

主金瘡止血口瘡疔瘻面上癩點

伏龍肝

糝主惡瘡水調掃丹腫酒調封發背令內消

礬石

主寒熱鼠瘻惡瘡蝕死肌

姜石

搗末雞子清調敷丁腫丹瘤乳癰

麤理黃石

堪作確碾者即磨刀麓石

齊馬嗣明治楊遵彥發背取此石猛火煨赤投醋中因有屑落取爲末醋熬如糊厚塗立愈大凡石頭多主癰疽

東坡十書

外科精義

三

東坡一書 卷四
爐甘石

主愈瘡止血治目赤瘡

燈心

主破傷血出每用貼破上封之立差

槐根皮

主痔及白皮煎湯薰浴良入荆芥尤妙

地骨皮

主疔瘡經年以麤皮煎湯洗之細沫白穰別碾糝之即差

黃蘗

主瘡腫神良每用去麤皮塗蜜炙剉諸方用作湯漬陰瘡良搗末蜜水調敷腫

枳殼

凡用須麩炒去穰剉枳實亦同

厚朴

凡用須去麤皮生姜塗製炙微焦剉

皂角

凡用須不腫者去黑皮弦子酥炙黃色剉

木鱉子

凡用去殼主惡瘡毒腫孫用和方治痔用仁三五枚研如泥以沸湯浸用汁先薰但通手即浴洗日三度

楸樹白皮

單用熬膏貼癰疽惡瘡疔瘻痔疾用其白馬牙燒灰治發背初生用糝瘡頭以膏封之

鬼頭

連皮骨臘片細剉瓶中封之百日塗發腦疽發背

惡瘡 出百一方

兔腹下白毛

治湯火瘡已破者先用膠水搽之後用兔白毛貼之毛落平復勝金方治痔用坑月砂即兔糞也和乳香末酒調三錢溫服日三服即差

蜜

凡鍊須煎令沸掠去沫外臺治陰頭生瘡以蜜煎甘草末塗之神效肘後方單用塗湯火瘡

牡蠣



凡用木炭灰炒通赤濕地上放經宿方用經驗方
治瘰癧用牡礪四兩玄參三兩為末糊丸如梧桐
子大酒服三五丸食後服藥盡患亦除根集驗
方治一切癰腫水調牡礪粉搽之乾即再搽即消
名拔毒散初虞世治瘰癧用和甘艸末茶調三錢
服之神効大驗

蛇退皮

諸方用治下雜惡瘡十年不較者全用炒存性猪
膏和塗之其驗神効

蜘蛛

聖惠治瘰癧不問新舊或成癭者熬乾為末酥和
如糊貼之日三度大効千金治發背瘡亦治鼠瘻
神良譚氏治贅瘤疣目以網絲作線際根繫之一
宿自落

曉頭

聖惠治一切惡瘡端午日收乾為末者油調傅之
神効子母秘錄治忽得惡瘡未辨識者取新者絞
汁傅其上大効古今諸方治下瘡欲效者取曉頭

心腹下度取之稍白者是以針刺下瘡當心及四
畔以心塗貼之百苦立已經宿其丁自拔出大心
食羊肉多不効

陳橘皮

凡用溫水浸去白青橘皮亦然

枇杷葉

主嘔逆下氣凡用去毛刺甘草湯洗二葉重丁兩
者

桃杏仁

凡用須湯浸去皮尖雙仁炒剉或研

無心草

凡用去蘆苗煎洗甲瘡疽神効

防風

凡用去叉蘆

藜蘆

凡用去苗

犀角

凡用生不會見火者即鑄錯爲末



茯苓

凡用去麤皮白者佳

芍藥

亦用白者佳

牽牛子

凡用黑成熟者微炒假如一斤取頭末四兩

萬治元年 戊戌三月吉日

二條通松屋町

書肆武村市兵衛新刊

外科精義卷之四 終



國家圖書館, NATIONAL CENTRAL LIBRARY, TAIWAN, R.O.C.